

四庫全書

史部

欽定四庫全書

史部

資治通鑑卷一百八十三

詳校官修撰臣錢榮

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣劉耀馥

欽定四庫全書

資治通鑑卷一百八十二 宋 司馬光 撰

胡三省 音註

隋紀六

起昭陽作靈蟲旃蒙大淵獻凡三年

煬皇帝中

大業九年春正月丁丑詔徵天下兵集涿郡始募民為

驍果

為驍果作逆張本驍古堯翻

修遼東古城以貯軍糧

漢晉以來遼東郡皆

治襄平慕容氏始鎮平郭前伐高麗圍遼東言即漢襄平城今言復修古城蓋城郭有遷徙也貯下呂翻

靈武賊帥白瑜娑

帝改靈州為靈武郡帥所類翻娑桑何翻

考異曰隋書作白榆妄今從

略記劫掠牧馬北連突厥

厥九勿翻

隴右多被其患被皮義翻謂之

奴賊 戊戌赦天下 己亥命刑部尚書衛文昇等輔

代王侑留守西京

是後李淵得以尊立代王守手又翻

二月壬午詔字

文述以兵糧不繼遂陷王師

事見上卷上年

乃軍吏失於支科

非述之罪宜復其官爵

考異曰雜記在去年十二月今從隋書

尋又加開

府儀同三司 帝謂侍臣曰高麗小虜侮慢上國今拔

海移山猶望克果

克能也果決也麗力知翻

況此虜乎乃復議伐高

麗又翻復扶左光祿大夫郭榮諫曰戎狄失禮臣下之事千

鈞之弩不為鼯鼠發機杜襲諫曹操嘗有是言鼯音奚小鼠也奈何親辱

萬乘以敵小寇乎乘繩帝不聽二月丙子濟陰孟海

公起為盜保據周橋帝改曹州為濟陰郡濟子禮翻衆至數萬見人稱

引書吏輒殺之丁丑發丁男十萬城大興大興城西京城

戊寅帝幸遼東命民部尚書樊子益等開皇三年改度支尚書為戶部

尚書帝又改為民部尚書併曹郎亦改之輔越王侗留守東都是後遂階王世充僭竊侗

他紅翻時所在盜起齊郡王薄孟讓北海郭方預清河

張金稱平原郝孝德河間格謙勃海孫宣雅各聚衆攻

剽

帝改青州為北海郡瀛州為河間郡滄州為勃海郡姓苑格姓允格之後東觀漢記有侍御史東平相格

班稱尺證翻郝呼各翻格古百翻剽匹妙翻

多者十餘萬少者數萬人

少詩治翻

山東苦之天下承平日久人不習戰郡縣吏每與賊戰

望風沮敗

沮在呂翻

唯齊郡丞閼鄉張須陀

隋志閼鄉縣屬河南郡本湖城

開皇十六年改焉閼音是

得士衆心勇決善戰將郡兵擊王薄於泰

山下

隋志泰山在魯郡博城縣須陀蓋越郡城而戰將即亮翻

薄恃其驟勝不設備

須陀掩擊大破之薄收餘兵北度河須陀追擊於臨邑

又破之

隋志臨邑縣屬齊郡

薄北連孫宣雅郝孝德等十餘萬攻

章丘

隋志章丘縣舊曰高唐開皇十六年改焉亦屬齊郡

須陀帥步騎二萬擊之

賊衆大敗賊帥裴長才等衆二萬掩至城下大掠須陀

未暇集兵帥五騎與戰

帥讀曰率賊帥所類翻騎奇寄翻

賊競赴之圍

百餘重身中數創

重直龍翻中竹仲翻創初良翻

勇氣彌厲會城中兵

至賊稍却須陀督衆擊之長才等敗走庚子郭方預等

合軍攻陷北海大掠而去須陀謂官屬曰賊恃其彊謂

我不能救吾今速行破之必矣乃簡精兵倍道進擊大

破之斬數萬級前後獲賊輜重不可勝計

重直用翻勝音升

歷

城羅士信

歷城縣舊置濟南郡隋為齊郡治所

年十四從須陀擊賊於濰

水上

隋志濰水在北海郡下密縣濰音維

賊始布陳士信馳至陳前刺殺

數人

陳讀曰陣下同刺七亦翻

斬一人首擲空中以稍盛之揭以畧

陳賊徒愕眙莫敢近

稍色角翻感受也時征翻揭其謁翻擔揭也眙丑吏翻近其斬翻

須陀因引兵奮擊賊衆大潰士信逐北每殺一人劓其

鼻懷之

劓魚器翻

還以驗殺賊之數須陀歎賞引置左右每

戰須陀先登士信為副帝遣使慰諭并畫須陀士信戰

陳之狀而觀之

使疏吏翻
畫與畫通

夏四月庚午車駕度遼士

申遣宇文述與上大將軍楊義臣趣平壤

趣七
喻翻

左光

祿大夫王仁恭出扶餘道仁恭進軍至新城

新城在南
蘇城之西

高麗兵數萬拒戰仁恭帥勁騎一千擊破之高麗嬰城

固守帝命諸將攻遼東聽以便宜從事

麗力知翻帥讀
曰率騎奇寄翻

將即
亮翻飛樓橦雲梯地道四面俱進

橦宅
江翻

晝夜不息而高

麗應變拒之二十餘日不拔主客死者甚衆

守者為主
攻者為客

衝梯竿長十五丈驍果吳興沈光升其端

隋志吳郡烏
程縣舊置吳

興郡史以舊郡名書長臨城與高麗戰短兵接殺十數
直亮翻驍堅克翻下同

人高麗競擊之而墜未及地適遇竿有垂絙絙古恒翻索也光

接而復上

復扶又翻上時掌翻

帝望見壯之即拜朝散大夫

朝直遙翻

散悉但翻

恒置左右

恒戶登翻

禮部尚書楊玄感驍勇便騎射

好讀書喜賓客

騎奇寄翻好呼到翻下同喜許記翻

海內知名之士多與

之遊與蒲山公李密善密弼之曾孫也

李密襲爵蒲山郡公蒲山郡關

李弼字文氏佐命功臣

少有才略志氣雄遠輕財好士為左親侍

隋制左右翊衛府領親勳武三侍左親侍屬左翊衛少詩照翻

帝見之謂宇文述曰向

者左仗下黑色小兒瞻視異常勿令宿衛述乃諷密使

稱病自免密遂屏人事

屏必鄧翻

專務讀書嘗乘黃牛讀漢

書楊素遇而異之因召至家與語大悅謂其子玄感等

曰李密識度如此汝等不及也由是玄感與為深交時

或侮之密曰人言當指實寧可面諛若決機兩陳之間

暗鳴咄嗟使敵人震懾

陳讀曰陣暗於今翻咄當沒翻懾之涉翻

密不如公

驅策天下賢俊各申其用公不如密豈可以階級稍崇

而輕天下士大夫邪玄感笑而服之

李密事始此

素恃功驕

倨朝宴之際或失臣禮

朝直遙翻下同

帝心銜而不言素亦覺

之及素薨帝謂近臣曰使素不死終當族滅玄感頗知

之且自以累世貴顯在朝文武多父之故吏見朝政日

紊

紊音問

而帝多猜忌內不自安乃與諸弟潛謀作亂帝

方事征伐玄感自言世荷國恩願為將領帝喜曰將門

必有將相門必有相固不虛也

荷下可翻將即亮翻相悉亮翻

由是寵

遇日隆頗預朝政帝伐高麗命玄感於黎陽督運遂與

虎賁郎將王仲伯汲郡贊治趙懷義等謀

按隋志帝改州為郡郡置

太守罷長史司馬置贊務一人以貳之贊務即贊治也隋書成於唐臣避高宗名故改治為務治直吏翻故

逗遛漕運不時進發

逗音豆遛音留

欲令度遼諸軍乏食帝遣

使者促之

令力丁翻使疏吏翻

玄感揚言水路多盜不可前後而

發玄感弟虎賁郎將玄縱鷹揚郎將萬石並從幸遼東

玄感潛遣人名之二人皆亡還萬石至高陽

高陽縣屬河間郡

為監事許華所執

按唐六典武庫署太倉署皆有監事蓋因隋制也監工銜翻

斬於

涿郡時右驍衛大將軍來護兒以舟師自東萊將入海

趣平壤玄感遣家奴偽為使者從東方來詐稱護兒反

驍堅
克翻

六月乙巳玄感入黎陽閉城大索男夫

客翻

取帆

布為牢甲

帆船施於船上以汎風時軍興織蒲不給擬布為之牢兜牢也

署官屬皆準

開皇之舊

不用帝所改官制

移書傍郡以討護兒為名各令發

兵會於倉所

倉謂黎陽倉

郡縣官有幹用者玄感皆以運糧

追集之以趙懷義為衛州刺史東光尉元務本為黎州

刺史河內郡主簿唐禕為懷州刺史

復開皇之制以郡為州以太守為刺史

史隋志州郡皆置主簿東光縣屬平原郡宋白曰今定遠軍治東光縣漢舊縣也故城在今縣東二十里齊天保七年移於今縣東南三十里陶氏故城隋開皇三年又移於後魏廢勃海郡城縣置令丞尉正禕許韋翻

考異曰雜記作懷州治書侍御史游元隋御史臺置治書侍御史二員

帝增為正五品治直之翻督運在黎陽玄感謂曰獨夫肆虐陷身絕

域此天亡之時也我今親帥義兵以誅無道卿意如何

元正色曰尊公荷國寵靈近古無比公之弟兄青紫交

映當謂竭誠盡節上荅鴻恩豈意墳土未乾帥讀曰率荷下可翻

乾音干親圖反噬僕有死而已不敢聞命玄感怒而囚之

屢脅以兵不能屈乃殺之元明根之孫也游明根元魏太和中以儒

名玄感選運夫少壯者得五千餘人少詩照翻丹陽宣城篤

梢三千餘人

帝改蔣州為丹陽郡改宣州為宣城郡
篙梢習於用舟者篙音高進船竿也 刑

三牲誓衆且諭之曰主上無道不以百姓為念天下騷

擾死遼東者以萬計今與君等起兵以救兆民之弊何

如衆皆踴躍稱萬歲乃勒兵部分

分扶問翻

唐禕自玄感所

逃歸河內先是玄感陰遣家僮至長安

先悉薦翻

召李密及

弟玄挺赴黎陽及舉兵密適至玄感大喜以為謀主謂

密曰子常以濟物為己任今其時矣計將安出密曰天

子出征遠在遼外去幽州猶隔千里南有巨海北有强

胡中間一道理極艱危公擁兵出其不意長驅入薊據

臨渝之險

臨渝關隋屬平州盧龍縣即所謂盧龍之險也顏師古曰渝音喻今多讀如榆

扼其

咽喉

咽於賢翻

歸路既絕高麗聞之必躡其後不過旬月資

糧皆盡其衆不降則潰可不戰而擒此上計也

麗力知翻降戶

江翻

玄感曰更言其次密曰關中四塞天府之國雖有衛

文昇不足為意今帥衆鼓行而西

帥讀曰率下同

經城勿攻直

取長安收其豪傑撫其士民據險而守之天子雖還失

其根本可徐圖也玄感曰更言其次密曰簡精銳晝夜

倍道襲取東都以號令四方但恐唐禕告之先已固守

禕許韋翻

若引兵攻之百日不克天下之兵四面而至非僕

所知也玄感曰不然今百官家口並在東都若先取之

足以動其心且經城不拔何以示威

其後玄感攻引農自速敗亡其識度

已見於此

公之下計乃上策也遂引兵向洛陽遣楊玄挺將

驍勇千人為前鋒

將即亮翻下同驍堅亮翻

先取河內唐禕據城拒

守玄挺無所獲禕又使人告東都越王侗與樊子蓋等

勒兵為備

果如李密所料侗他紅翻

修武民相帥守臨清關

修武縣屬河內

郡 玄感不得度乃於汲郡南渡河從之者如市使弟積

善將兵三千自偃師南緣洛水西入

隋志偃師縣舊廢開皇十六年復置

屬河南郡 玄挺自白司馬坂逾邙山南入

白司馬坂在邙山北邙山在洛城北

坂音反 玄感將三千餘人隨其後相去十里許自稱大軍

其兵皆執單刀柳楯

楯食尹翻干也以扞弓矢

無弓矢甲冑東都遣

河南令達奚善意

隋志河南縣帶河南郡

將精兵五千人拒積善

將作監河南贊治裴弘策將八千人拒玄挺

治直吏翻

善意

度洛南營於漢王寺明日積善兵至不戰自潰鎧仗皆

為積善所取弘策出至白司馬坂一戰敗走棄鎧仗者

大半

鎧可
亥翻

玄挺亦不追弘策退三四里收散兵復結陳

以待之

復扶又翻
陳讀曰陣

玄挺徐至坐息良久忽起擊之弘策

又敗如是五戰丙辰玄挺直抵太陽門弘策將十餘騎

馳入宮城自餘無一人返者皆歸於玄感玄感屯上春

門

隋志河南郡舊置洛州大業元年移都改曰豫州東
而三門北曰上春中曰建陽無太陽門當考將即亮

翻考異曰玄感傳云屯兵上春門又云屯兵尚書省
按劉仁軌河洛記東都羅郭東面北頭第一曰上春門

唐改曰上東門又尚書省在每誓衆曰我身為上柱國
宣仁門內玄感不容至此

家累鉅萬金至於富貴無所求也今不顧滅族者但為

天下解倒懸之急耳

偽于翻

衆皆悅父老爭獻牛酒子弟

詣軍門請自効者日以千數內史舍人韋福嗣洸之兄

子也

韋洸著聲績於平陳之後洸古黃翻

從軍出拒玄感為玄感所獲玄

感厚禮之使與其黨胡師耽共掌文翰玄感令福嗣為

書遺樊子蓋數帝罪惡

遺于季翻數所具翻

云今欲廢昏立明願

勿拒小禮自貽伊戚樊子蓋新自外藩入為京官

樊子蓋自

涿郡留守為東都留守

東都舊官多慢之至於部分軍事未甚承

稟分扶問翻裴弘策與子蓋同班贊治次留守立班故言同班前出討賊

失利子蓋更使出戰不肯行子蓋命引出斬之以徇國

子祭酒河東楊汪小有不恭楊汪傳本弘農華陰人曾祖順徙河東子蓋

又將斬之汪頓首流血乃得免於是將吏震肅無敢仰

視是將子亮翻令行禁止玄感盡銳攻城子蓋隨方拒守玄

感不能克然達官子弟應募從軍者聞弘策死皆不敢

入城韓擒虎子世弼弼五各翻觀王雄子恭道虞世基子柔

來護兒子淵裴蘊子爽大理卿鄭善果子儼周羅暉子

仲等四十餘人皆降於玄感

降戶江翻下同

玄感悉以親重要

任委之善果譯之兄子也

鄭譯高祖佐命

玄感收兵得五萬餘

人分五千守慈磧道

隋志河南郡壽安縣有慈磧

五千守伊闕道

隋志

河南郡伊闕縣舊曰新城開皇十八年改名以伊闕山名縣也

遣韓世弼將三千人圍

滎陽

隋志滎陽縣屬滎陽郡郡治管城滎陽在郡西

顧覺將五千人取虎牢

隋志

滎陽郡汜水縣舊曰成臯即虎牢也開皇十八年改曰汜水大業初置虎牢都尉府

虎牢降

降戶江翻

以覺為鄭州刺史鎮虎牢代王侑使刑部尚書衛文昇

帥兵四萬救東都

代王侑時守長安帥讀曰率

考異曰隋書云步騎七萬按玄感衆不過

十萬而下云衆寡不敵今從雜記

文昇至華陰掘楊素冢

隋志華陰縣屬京兆郡楊

素世居華陰死葬馬華戶化翻

焚其骸骨示士卒以必死遂鼓行出崤

澠直趨東都城北

崤崤谷澠澠池澠彌充翻趨七喻翻

玄感逆拒之文昇

且戰且行屯於金谷

金谷即晉石崇之金谷也水經注穀水自千金竭東逕罽門橋又東

左會金谷水水出太白原東南流歷金谷謂之金谷澗在河南縣界

遼東城久不拔帝遣

造布囊百餘萬口滿貯土

貯丁呂翻

欲積為魚梁大道

築道若魚

然闊三十步高與城齊使戰士登而攻之又作八輪樓

車

樓車下施八輪

高出於城夾魚梁道欲俯射城内

射而亦翻

指期

將攻城內危蹙會楊玄感反書至帝大懼引納言蘇威

入帳中謂曰此兒聰明得無為患威曰人識是非審成

敗乃謂之聰明

扶夫音

玄感羸疎必無所慮但恐因此寢

成亂階耳帝又聞達官子弟皆在玄感所益憂之兵部

侍郎斛斯政素與玄感善玄感之反政與之通謀玄縱

兄弟亡歸政潛遣之帝將窮治玄縱等黨與

治直之翻

政內

不自安戊辰亡奔高麗

史言段文振之言驗麗力知翻

庚午夜二更

二更

乙夜也甲乙丙丁戊分為五夜字卒分番守漏鳴鼓以相警謂之持更更工衡翻

帝密召諸將

使引軍還

還從宣翻又音如字

軍資器械攻具積如丘山營壘帳

幕案堵不動皆棄之而去衆心恐懼

怵許拱翻

無復部分諸

道分散

復扶又翻部分扶問翻

高麗即時覺之然不敢出但於城

內鼓譟至來日午時方漸出外四遠覘偵

覘丑廉翻又丑塹翻偵丑

鄭翻猶疑隋軍詐之經二日乃出數千兵追躡畏隋兵之

衆不敢逼常相去八九十里將至遼水知御營畢度乃

敢逼後軍時後軍猶數萬人高麗隨而抄擊最後羸弱

數千人為所殺略

麗力知翻抄楚交翻羸倫為翻

初帝再征高麗復問

太史令庾質曰今段何如今段言自今以後一對曰臣

實愚迷猶執前見

庾質前對見上卷八年

陛下若親動萬乘勞費

實多

乘繩證翻

帝怒曰我自行猶不克直遣人去安得有功

及還謂質曰卿前不欲我行當為此耳

還從宣翻又音如字為干偽翻

玄感其有成乎質曰玄感地勢雖隆素非人望因百姓

之勞冀幸成功今天下一家未易可動

易以政翻

帝遣虎賁

郎將陳稜攻元務本於黎陽又遣左翊衛大將軍宇文

述右候衛將軍屈突通乘傳發兵以討玄感

屈區勿翻傳株戀翻

來護兒至東萊聞玄感圍東都召諸將議旋軍救之諸

將咸以無敕不宜擅還固執不從護兒厲聲曰洛陽被

圍心腹之疾高麗逆命猶疥癬耳

將即亮翻被皮義公翻疥癬皮膚之疾

家之事知無不為專擅在吾不關諸人有沮議者軍法

從事

沮在呂翻

即日迴軍令子弘整馳驛奏聞帝時還至涿

郡已敕護兒救東都見弘整甚悅

按隋書來護兒傳弘整護兒之二子賜

護兒璽書曰公旋師之時是朕敕公之日君臣意合遠

同符契先是右武候大將軍李子雄坐事除名今從軍

自効從來護兒在東萊帝疑之

按隋書子雄傳因玄感反而疑之璽斯氏翻先

悉薦翻

詔鎖子雄送行在所子雄殺使者逃奔玄感

使疏吏翻

衛文昇以步騎二萬度瀍水

水經瀍水出河南穀城縣北山東過洛陽偃師而入

于洛騎奇寄翻瀍音廛

與玄感戰玄感屢破之玄感每戰身先士

卒

先悉薦翻

所向摧陷又善撫悅其下皆樂為致死

樂音洛為于偽

翻

由是每戰多捷衆益盛至十萬人文昇衆寡不敵死

傷大半且盡

考異曰雜記曰每戰刃纔接官軍皆坐地棄甲以白布裹頭聽賊所掠前後十三

戰皆不利今從文昇傳

乃更進屯邙山之陽與玄感決戰一日十

餘合會楊玄挺中流矢死

仲竹翻

玄感軍乃稍却秋七月

癸未餘杭民劉元進起兵以應玄感元進手長尺餘

手長

尺餘言自指至掌腕

橫紋之長長直亮翻

臂垂過膝言臂垂則其手過膝過古禾翻

自以相

表非常

相息亮翻

陰有異志會帝再發三吳兵征高麗三吳

兵皆相謂曰往歲天下全盛吾輩父兄征高麗者猶大

半不返

此指八年事

今已罷弊復為此行

罷讀曰疲復扶又翻

吾屬無

遺類矣由是多亡命郡縣捕之急聞元進舉兵亡命者

雲集旬月間衆至數萬始楊玄感至東都自謂天下響

應得韋福嗣委以心膂不復專任李密

復扶又翻

福嗣每畫

策皆持兩端密揣知其意

揣初委翻

謂玄感曰福嗣元非同

盟實懷觀望明公初起大事而姦人在側聽其是非必

為所誤請斬之玄感曰何至於此密退謂所親曰楚公

好反而不欲勝

玄感襲爵楚國公故稱之好呼到翻

吾屬今為虜矣李子

雄勸玄感速稱尊號玄感以問密密曰昔陳勝自欲稱

王張耳諫而被外

事見七卷秦二世元年被皮義翻

魏武將求九錫荀

彧止而見誅

事見六十六卷漢獻帝建安十七年

今者密欲正言還恐追

縱二子阿諛順意又非密之本圖何者兵起以來雖復

頻捷

復扶又翻
下蓋復同

至於郡縣未有從者東都守禦尚彊天

下救兵益至公當挺身力戰早定關中廼亟欲自尊何

示人不廣也

亟已
力翻

玄感笑而止屈突通引兵屯河陽字

文述繼之玄感問計於李子雄子雄曰通曉習兵事若

一得度河則勝負難決不如分兵拒之通不能濟則樊

衛失援

樊衛謂樊子
蓋衛文昇也

玄感然之將拒通樊子蓋知其謀

數擊其營玄感不得往

斯亦伐謀之一也使援兵不合
樊子蓋堅守都城兵何由解數

所角翻下
軍數同

通濟河軍於破陵破陵當在河陽南岸洛城東北玄感分為

兩軍西抗文昇東拒通子蓋復出兵大戰玄感軍屢敗

與其黨謀之李子雄曰東都援軍益至我軍數敗不可

久留不如直入關中開永豐倉以振貧乏

新唐志華陰縣有永豐倉

蓋隋所置也

三輔可指麾而定

此指言漢三輔之地

據有府庫東面而

爭天下亦霸王之業也李密曰弘化留守元弘嗣握彊

兵在隴右

帝改慶州為弘化郡其地屬隴右

可聲言其反遣使迎公因

此入關可以給衆

使疏吏翻給徒亥翻

會華陰諸楊請為鄉導

華陰

諸楊玄感之宗黨也
華戶化翻鄉讀曰嚮

壬辰玄感解東都圍引兵西趣潼

關
潼關在華陰
縣趣七喻翻

宣言我已破東都取關西矣宇文述等

諸軍躡之至弘農宮

隋志河南郡陝縣後魏置陝州恒農郡開皇初廢郡大業初廢州置

弘農宮恒農即弘農
後魏避諱改曰恒農

父老遮說玄感曰宮城空虛又多

積粟攻之易下

說式芮翻
易以鼓翻

玄感以為然弘農太守祭王

智積

觀此則帝廢陝州改為弘農郡也
智積高祖弟整之子守式又翻

謂官屬曰玄感

聞大將軍至欲西圖關中若成其計則難克也當以計

縻之使不得進不出一旬可以成擒及玄感軍至城下

智積登陴詈之

陴符支翻城上女垣詈力智翻罵也

玄感怒留攻之李密

諫曰公今詐衆西入軍事貴速況乃追兵將至安可稽

留若前不得據關

謂據潼關也

退無所守大衆一散何以自

全玄感不從遂攻之燒其城門智積於內益火玄感兵

不得入三日不拔乃引而西至閬鄉

閬音旻

宇文述衛文

昇來護兒屈突通等軍追及於皇天原

水經注玉澗水南出王溪北流

逕皇天原西周固記開山東首上平博方可里餘三面壁立高千許仞漢世祭天於其上名之為皇天原上有

漢武思子臺又北逕閬鄉城西又有全鵠澗水出
南山北逕皇天原東隋志閬鄉縣有玉澗全鵠澗
玄感

上槃豆

即西魏將于謹所攻拔盤豆也上時掌翻

布陳亘五十里

陳讀曰陣下同亘古

鄧翻

且戰且行玄感一日三敗八月壬寅玄感陳於董杜

原諸軍擊之玄感大敗獨與十餘騎奔上洛

帝改商州為上洛郡

玄感欲由華陽以奔上洛也騎奇寄翻下同

追騎至玄感叱之皆反走至葭

蘆戍

葭音加

獨與弟積善徒步走自度不免

度徒洛翻

謂積善

曰我不能受人戮辱汝可殺我積善抽刀斫殺之因自

刺不死

刺七亦翻

為追兵所執與玄感首俱送行在所磔玄

感尸於東都市三日復齧而焚之

磔陟格翻復扶又翻齧力究翻

玄感

弟玄獎為義陽太守

隋志義陽郡齊梁之司州後魏改曰郢州後周改曰申州大業初改

義州尋改為義陽郡守式又翻

將赴玄感為郡丞周旋玉所殺

隋書楊玄感傳

作周旋玉仁行為朝請大夫伏誅於長安

楊素之門於是滅矣朝直遙翻

玄

感之圍東都也梁郡民韓相國舉兵應之

帝改宋州為梁郡相息亮

翻玄感以為河南道元帥

帥所類翻

旬月間衆十餘萬攻剽

郡縣至襄城

隋志襄城郡東魏置北荊州後周改曰和州開皇初改為伊州大業初改為汝州尋

改為郡剽匹妙翻

聞玄感敗衆稍散為吏所獲傳首東都帝以

元弘嗣斛斯政之親也留守弘化郡

隋書元弘嗣傳云屯兵安定

遣

衛尉少卿李淵馳往執之

少始照翻

因代為留守關右十三

郡兵皆受徵發

十三郡天水隴西金城枹罕臨洮漢陽靈武朔方平涼弘化延安雕陰上郡也

淵御衆寬簡人多附之帝以淵相表奇異

相息諧翻

又名應

圖讖忌之

讖楚諧翻

未幾徵詣行在所淵遇疾未謁

謁見也幾居豈

翻

其甥王氏在後宮帝問曰汝舅來何遲王氏以疾對

帝曰可得死否淵聞之懼因縱酒納賂以自晦

李淵事始此

癸卯吳郡朱爕晉陵管崇聚衆寇掠江左

隋志吳郡陳置吳州

平陳改曰蘇州大業初復曰吳州尋改為吳郡毗陵郡平陳置常州帝改為晉陵郡爕本還俗道

人涉獵經史頗知兵灋形容眇小為崑山縣博士

劉昫曰崑

山本漢婁縣地梁分婁縣置信義縣又分信義置崑山縣取縣界山名時屬吳郡隋制縣博士不見于志蓋在

曹佐市與數十學生起兵民苦役者赴之如歸崇長大

美姿容志氣倜儻

倜儻他狄翻

隱居常熟

常熟吳晉南沙之地本屬吳縣晉分吳縣

置海虞縣梁置常熟縣劉昫曰今崑山縣東一百三十里常熟故城是也隋治南沙城屬吳郡自言有

王者相

相息亮翻

故羣盜相與奉之時帝在涿郡命虎牙郎

將趙六兒將兵萬人屯楊子

楊子地名時屬江都縣將即亮翻下同

分為

五營以備南賊

南賊謂劉元進及崇燮等

崇遣其將陸顓度江夜襲

六兒破其兩營收其器械軍資而去

顓魚豈翻

衆益盛至十

萬辛酉司農卿雲陽趙元淑坐楊玄感黨伏誅

隋書楊玄

感傳作博陵趙元淑此言雲陽隋志博陵郡舊定州雲陽縣屬京兆郡地理相去遠甚當考

帝使大

理卿鄭善果御史大夫裴蘊刑部侍郎骨儀與留守樊

子益推玄感黨與

帝置六部侍郎以貳尚書之職守式又翻推尋也考鞠也

考異曰雜記

作滑儀今從隋書雜記推玄感黨在十月疑太晚今因誅趙元淑言之

儀本天竺胡人也

隋書陰壽傳言骨儀京兆長安人蓋本天竺胡人而居京兆長安也

帝謂蘊曰玄感一呼

而從者十萬

呼火故翻

益知天下人不欲多多即相聚為盜

耳不盡加誅無以懲後子蓋性既殘酷蘊復受此旨

扶復

又翻

由是峻灋治之

治直之翻

所殺三萬餘人皆籍沒其家枉

死者大半流徙者六千餘人玄感之圍東都也開倉賑給百姓凡受米者皆阮之於都城之南玄感所善文士

會稽虞綽琅邪王胄

隋志會稽郡梁置東楊州平陳改曰吳州大業初改越州尋復改為

會稽郡琅邪郡舊置北徐州後周改曰沂州帝復改為琅邪郡會古外翻邪讀曰耶俱坐徙邊綽

胄亡命捕得誅之帝善屬文

屬之欲翻

不欲人出其右薛道

衡死

道衡死見上卷五年

帝曰更能作空梁落燕泥否王胄死帝

誦其佳句曰庭草無人隨意綠復能作此語邪

復扶又翻

帝

自負才學每驕天下之士嘗謂侍臣曰天下皆謂朕承

籍緒餘而有四海設令朕與士大夫高選亦當為天子

矣

令力丁翻

帝從容謂秘書郎虞世南曰我性不喜人諫

從千

容翻喜許記翻

若位望通顯而諫以求名彌所不耐至於卑賤

之士雖少寬假然不置之地上

少詩治翻卒子恤翻

汝其知之世

南世基之弟也帝使裴矩安集隴右因之會寧存問

曷薩那可汗部落

八年帝處曷薩那可汗部落于會寧今遣矩存問之薩彘葛翻可從刊入聲汗

寒音

遣闕度設寇掠吐谷渾以自富還而奏狀帝大賞

之

吐從瞰入聲谷音浴還音旋又如字賞稱獎也

九月己卯東海民彭孝才

起為盜

帝改海州為東海郡

有衆數萬

甲午車駕至上谷

隋志開皇

元年以易縣置易州帝改為上谷郡按秦置上谷郡本治沮易王隱晉書地道志曰郡在谷之頭故因以上谷

名焉隋之易縣則漢涿郡故安縣地也非古上谷

以供費不給免太守虞荷等

官

守武又翻

閏月己巳幸博陵

冬十月丁丑賊帥呂明星

圍東郡

東郡古白馬之地隋開皇九年置杞州十六年改滑州大業二年改為兗州尋改為東郡帥所

類

翻虎賁郎將費青奴擊破之

賁音奔將即亮翻陳湘姓林曰費氏音蜚夏禹之後

趙明誠曰費字有兩姓音讀不同源流亦異其一音蜚
嬴姓出於伯益之後史記所載費昌費中楚費無極漢
費將軍費直費長房費禕之徒是其後也其一音
秘出於魯季友姓苑所載琅邪費氏則是其後也 劉

元進帥其衆將度江

帥讀曰率

會楊玄感敗朱燮管崇共迎

元進推以為主據吳郡稱天子燮崇俱為尚書僕射署

置百官毗陵東陽會稽建安豪傑多執長吏以應之

帝改

婺州為東陽郡大業初改泉州為閩州
尋改為建安郡長知兩翻會工外翻

帝遣左屯衛大

將軍代人吐萬緒

隋書吐萬緒代郡鮮卑人吐萬蓋鮮卑複姓也隋志大業初於馬邑善陽

縣置代郡光祿大夫下邳魚俱羅

隋志下邳縣屬馮翊郡風俗通魚姓宋公子魚之後

將兵討之

將即亮翻
又音如字

十一月己酉右候衛將軍馮孝

慈討張金稱於清河孝慈敗死

稱尺證翻帝改
貝州為清河郡

楊玄

感之西也韋福嗣亡詣東都歸首

嗣祥吏翻
首手又翻

是時如其

比者皆不問樊子蓋收玄感文簿得其書草

即福嗣所
草遺子蓋

之封以呈帝帝命執送行在李密亡命為人所獲亦送

東都

考異曰隋書密傳云密間行人闕與玄感從叔
詢相隨匿於馮翊詢妻之舍尋為鄰人所告遂捕

獲囚於京兆獄又云及出闕外防禁漸弛又云至邯鄲
密等七人皆穿牆而遁唐書雖不云囚於京兆獄亦云

出闕按密若自闕中送高陽不當與韋福嗣同行
今從賈閏甫蒲山公傳及劉仁軌河洛行年記

樊子

蓋鎖送福嗣密及楊積善王仲伯等十餘人詣高陽密

與王仲伯等竊謀亡去悉使出其所齎金以示使者曰

吾等死日此金並留付公幸用相瘞

使疏吏翻下同瘞於計翻

其餘

即皆報德使者利其金許諾防禁漸弛密請通市酒食

每宴飲誼譁竟夕使者不以為意行至魏郡石梁驛飲

防守者皆醉穿牆而逸

帝改相州為魏郡飲防之飲於禁翻考異曰河洛記曰左梁

驛今從蒲山公傳

密呼韋福嗣同去福嗣曰我無罪天子不過

一面責我耳至高陽帝以書草示福嗣收付大理宇文

述奏凶逆之徒臣下所當同疾若不為重灋無以肅將來帝曰聽公所為十二月甲申述就野外縛諸應刑者

於格上以車輪括其頸使文武九品以上皆持兵斫射

射而亦翻

亂發矢如蝟毛支體糜碎猶在車輪中積善福嗣

仍加車裂皆焚而揚之積善自言手殺玄感冀得免死

帝曰然則臬類耳因更其姓曰臬氏

臬食母說文曰不孝鳥更工衙翻臬

古堯翻

唐縣人宋子賢善幻術

隋志唐縣屬博陵郡幻術者化無為有以眩惑

人幻戶辦翻

能變佛形自稱彌勒出世遠近信惑遂謀因無

遮大會舉兵襲乘輿

天子曰乘輿乘繩證翻

事泄伏誅并誅黨與

千餘家扶風桑門向海明亦自稱彌勒出世人有歸心

者輒獲吉夢由是三輔人翕然奉之

帝改岐州為扶風郡扶風漢三輔之

也一因舉兵反衆至數萬丁亥海明自稱皇帝改元白鳥

詔太僕卿楊義臣擊破之帝召衛文昇樊子蓋詣行

在慰勞之賞賜極厚遣還所任

賞其拒討楊玄感之功遣各還留臺勞力到翻

劉元進攻丹陽

隋書吐萬緒傳云時元進以兵攻潤州按唐志武德三年始以延陵縣地

置潤州而潤州管下丹陽縣本曲阿亦唐改名元進所攻蓋此丹陽非隋志之丹陽郡隋之丹陽郡治石頭城

隋書成於武德之後書潤州吐萬緒濟江擊破之元進書丹陽皆以唐州縣書之也

解圍去緒進屯曲阿

觀此及以隋書證之則元進所攻正潤州

元進結柵拒

緒相持百餘日緒擊之賊衆大潰死者以萬數元進挺

身夜遁保其壘朱燮管崇等屯毗陵連營百餘里緒乘

勝進擊復破之賊退保黃山

隋志吳縣有黃山

緒圍之元進燬

僅以身免於陳斬崇及其將卒五千餘人

陳讀曰陣將即亮翽

收

其子女三萬餘口進解會稽圍

會古翽

魚俱羅與緒偕行

戰無不捷然百姓從亂者如歸市賊敗而復聚

復扶又翽下同

其勢益盛元進退據建安帝令緒進討緒以士卒疲弊

請息甲待來春

考異曰帝紀云緒與俱羅連年不能克按緒請待來春而王世充十年又擊

孟讓然則元進敗正在今年冬春之交矣元進退據建安而得拒世充於江上者蓋復來也

帝不悅

俱羅亦以賊非歲月可平諸子在洛京

洛陽為東都潛故謂之洛京

遣家僕迎之帝怒有司希旨奏緒怯懦俱羅敗衄

懦乃卧翻

又奴亂翻衄女六翻

俱羅坐斬徵緒詣行在緒憂憤道卒

卒子恤翻

更遣江都丞王世充

王世充為江都郡丞帝又改郡贊治為丞更江衡翻

發淮南

兵數萬人討元進世充度江頻戰皆捷元進燹敗死於

吳隋志吳縣吳郡治所其餘衆或降或散世充召先降者於通玄

寺瑞像前焚香為誓約降者不殺降戶散者始欲入海

為盜聞之旬月之間歸首略盡首手又翻世充悉阮之於黃

亭澗死者三萬餘人考異曰略記阮其衆二十餘萬於黃亭澗澗長數里深澗數丈積

屍與之平雜記世充貪而無信利在子女資財並阮歸首八千餘人於黃山之下今從隋書由是餘

黨復相聚為盜官軍不能討以至隋亡帝以世充有將

帥才益加寵任將即亮翻帥所類翻是歲詔為盜者籍沒其家

時羣盜所在皆滿郡縣官因之各專威福生殺任情矣

章丘杜伏威與臨濟輔公柘為刎頸交

章丘臨濟二縣隋志皆屬

齊郡章丘漢陽丘縣宋魏之高唐也開皇十六年改為章丘宋白曰高齊天保七年移高唐縣治古黃巾城隋改章丘縣因縣東南章丘為名臨濟漢之管縣久廢開皇六年置朝陽縣十六年改曰臨濟輔姓出於晉大夫輔躒又智果別族為輔氏顏師古曰刎斷也刎頸交言託契深重雖斷頸絕頭無所顧也濟子禮翻柘音石刎

武粉翻

俱亡命為羣盜

唐書杜伏威傳公柘數盜姑家牧羊以餽伏威縣迹捕急乃相與亡

命為盜

伏威年十六母出則居前入則殿後

殿丁練翻

由是其

徒推以為帥下邳苗海潮亦聚眾為盜

隋志下邳郡後魏置南徐州梁

改為東徐州東魏改為東楚州陳改為安州後周改為泗州帝改為下邳郡風俗通曰楚大夫伯棼之後貢皇

奔晉食采於苗因為苗氏伏威使公祐謂之曰今我與君同苦隋政

各舉大義力分勢弱常恐被擒

被皮義翻

若合為一則足以

敵隋矣君能為主吾當敬從自揆不堪宜來聽命不則

一戰以決雌雄

不讀曰否

海潮懼即帥其衆降之

帥讀曰率降戶江翻

伏威轉掠淮南自稱將軍江都留守遣校尉宋顥討之

帝置鷹揚府郎將副郎將每府置越騎校尉二人掌騎士步兵校尉二人掌步兵守式又翻校戶教翻伏

威與戰陽為不勝引顥衆入葭葦中因從上風縱火顥

衆皆燒死海陵賊帥趙破陳以伏威兵少輕之

海陵漢縣屬臨

淮郡梁置海陵郡開皇初廢郡為縣隋志屬江都郡帥所類翻陳讀曰陣少詩沼翻名與并力伏

威使公拓嚴兵居外自與左右十人齎牛酒入謁於座

殺破陳并其衆

史言杜伏威寢強

十年春

元帥將異曰雜記是年正月又以許公宇文述為

人為請降以緩我師又求與述相見以觀我軍形勢述與之歡飲良久乃去停五日王師食盡燒甲札食之病不能興文德乃縱兵大戰敗績死者十餘萬此蓋序八年事誤在此耳二月辛未詔百僚

議伐高麗數日無敢言者戊子詔復徵天下兵

復扶又翻

百

道俱進

丁酉扶風賊帥唐弼立李弘芝為天子

帥所類翻

考異曰隋帝紀作李有衆十萬自稱唐王三月壬

子帝行幸涿郡士卒在道亡者相繼癸亥至臨渝宮

隋志

北平郡盧龍縣有臨
渝宮諭音俞又音榆
禡祭黃帝鄭玄曰禡師祭也在野

阪泉以定天下故祭以求福祥杜佑曰禡師祭也為兵

禱也其神蓋蚩尤或云黃帝北齊之制天子親征將屆

戰所卜剛日備玄牲列軍容設於辰地為壇而禡祭大

司馬奠天有司奠毛血樂奏大護之音禮畢徹牲柴燎

按記王制天子出征禡於所征之地其禮斬叛軍者以

亡矣杜佑所載者北齊之禮耳禡馬嫁翻斬叛軍者以

釁鼓斬人以血塗鼓亡者亦不止夏四月榆林太守成紀董

純帝改勝州為榆林郡隋志成與彭城賊帥張大虎戰

紀縣屬天水郡守式又翻

資治通鑑

二十七

於昌慮

帝改徐州為彭城郡昌慮漢縣晉宋魏志皆有之隋已廢省其地當入彭城郡蘭陵縣界帥所

類翻下同慮音廬

大破之斬首萬餘級

甲午車駕至北平

帝改

北平郡

五月庚申延安賊帥劉迦論

隋志延安郡後魏置東夏州西

魏改為延州帝改為延安郡迦音加唐書作安定人按安定去上郡太遠今從隋書

考異曰自稱皇

王建元大世有衆十萬與稽胡相表裏為寇詔以左驍

衛大將軍屈突通為關內討捕大使發兵擊之戰於上

郡隋志上郡後魏置東秦州後改為北華州西魏改為敷州大業二年改為廊城郡後改為上郡驍堅亮翻

屈居勿翻使疏吏翻廊音膚

斬迦論將卒萬餘級

將即亮翻

虜男女數萬

口而還

還從宣翻
又如字

秋七月癸丑車駕次懷遠鎮時天

下已亂所徵兵多失期不至高麗亦困弊來護兒至畢

奢城

即卑沙城自登萊海道趨平壤先至卑沙城唐貞觀未程名振亦由此道麗力知翻

高麗舉

兵逆戰護兒擊破之將趣平壤

趣七喻翻

高麗王元懼甲子

遣使乞降因送斛斯政

斛斯政去年奔高麗使疏吏翻下同降戶江翻

帝大悅

遣使持節召護兒還護兒集衆曰大軍三出未能平賊

此還不可復來

還從宣翻
復扶又翻

勞而無功吾竊耻之今高麗

實困以此衆擊之不日可克吾欲進兵徑圍平壤取高

元獻捷而歸不亦善乎答表請行不肯奉詔長史崔君

肅固爭

長知兩翻

護兒不可曰賊勢破矣獨以相任自足辦

之吾在閫外事當專決寧得高元還而獲譴捨此成功

所不能矣君肅告衆曰若從元帥違拒詔書必當聞奏

皆應獲罪諸將懼俱請還乃始奉詔

帥所類翻下賊帥將帥同將即亮翻

同八月己巳帝自懷遠鎮班師邯鄲賊帥楊公卿帥其

黨八千人

隋志邯鄲縣屬武安郡帥讀曰率

抄駕後第八隊得飛黃上

廐馬四十二匹而去

抄楚交翻帝置殿內省統尚食尚藥尚衣尚舍尚乘尚輦等六局尚

乘局置左右六開一曰左右飛黃開二左右吉良開三左右龍媒開四左右駒駉開五左右駃騠開六左右天苑冬十月丁卯上至東都已丑還西京以高麗使者及

斛斯政告太廟仍徵高麗王元入朝元竟不至

朝直遙翻下同

敕將帥嚴裝更圖後舉竟不果行初開皇之末國家殷

盛朝野皆以高麗為意劉炫獨以為不可

炫榮絹翻

作撫夷

論以刺之至是其言始驗十一月丙申殺斛斯政於金

光門外

金光門大興城西面三門之中門

如楊積善之法

去年殺楊積善

仍烹

其肉使百官噉之佞者或噉之至飽

噉與暗同徒濫翻

收其餘

骨焚而揚之 乙巳有事于南郊上不齋于次

鄭氏曰次自修

正之 詰朝備法駕

漢仍秦制大駕八十一乘法駕三十乘六乘隋開皇中大駕十二乘法駕減

半帝更定其制大駕用三十六法駕用十二詰去吉翻

至即行禮是日大風上獨

獻上帝三公分獻五帝禮畢御馬疾驅而歸 乙卯離

石胡劉苗王反

隋志離石郡後齊置西汾州後周改為汾州帝改離石郡

自稱天子

衆至數萬將軍潘長文討之不克

長知兩翻

汲郡賊帥王

德仁擁衆數萬保林慮山為盜

隋志汲郡東魏置義州後周為衛州帝改汲郡

林慮山在魏郡林慮縣帥所類翻下同慮音廬

帝將如東都太史令庾質諫

曰比歲伐遼

比毗至翻

民實勞弊陛下宜鎮撫關中使百姓

盡力農桑三五年間四海稍豐實然後巡省

省悉景翻

於事

為宜帝不悅質辭疾不從

從才用翻

帝怒下質獄

下遐嫁翻

竟死

獄中十二月壬申帝如東都赦天下戊子入東都東

海賊帥彭孝才轉掠沂水

劉昫曰沂水漢東莞縣隋改為東安縣尋改為沂水屬琅

邪彭城留守董純討擒之

守式又翻

純戰雖屢捷而盜賊日

滋或譖純怯懦

懦乃卧翻又乃亂翻

帝怒鎖純詣東都誅之孟

讓自長白山寇掠諸郡至盱眙衆十餘萬據都梁宮

隋志

盱眙縣屬江都郡有都梁山都梁宮阻淮為固江都丞
在焉山出都梁香故名盱眙音吁怡

王世充將兵拒之為五柵以塞險要將即亮翻下同塞悉則翻羸形

示弱羸倫為翻讓笑曰世充文法小吏安能將兵吾今生縛

取鼓行入江都耳時民皆結堡自固野無所掠賊衆漸

餒乃少留兵圍五柵分人於南方抄掠世充伺其懈詩少

召翻抄楚交翻伺相吏翻懈居隘翻縱兵出擊大破之讓以數十騎遁去

騎奇寄翻下同斬首萬餘級齊郡賊帥左孝友衆十萬屯蹲

狗山蹲狗者以形得名蹲徂尊翻郡丞張須陀列營逼之孝友窘迫

出降須陀威振東夏

降戶江翻窘巨
賁翻矣戶雅翻

以功遷齊郡通守

帝罷州置郡郡置太守其後諸郡各
加置通守一人位次太守守式又翻

領河南道十二郡

黜陟討捕大使涿郡賊帥盧明月衆十餘萬軍祝阿

隋志

祝阿縣屬齊郡唐改為禹城縣
異曰唐秦叔寶傳作下邳今從隋書

考須陀將萬人邀之

將即亮翻下
謂將分將同

相持十餘日糧盡將退謂將士曰賊見吾

退必悉衆來追若以千人襲據其營可有大利此誠危

事誰能往者衆莫對唯羅士信及歷城秦叔寶請行

隋志

歷城縣
帶齊郡

於是須陀委柵而遁使二人分將千兵伏葭葦

中明月悉衆追之士信叔寶馳至其柵柵門閉二人起
升其樓各殺數人營中大亂二人斬關以納外兵因縱
火焚其三十餘柵烟焰漲天明月奔還須陀回軍奮擊
大破之明月以數百騎遁去所俘斬無筭叔寶名瓊以
字行

十一年春正月增祕書省官百二十員

隋制祕書省監丞各一人郎四

人校書郎十二人正字四人著作郎二人佐郎八人校書郎正字各二人帝增少監一人減校書郎為十人加置佐郎四人又置儒林郎十人文林郎二十人增校書郎員四十人加置楷書郎員二十人凡百一十七人

並以學士補之帝好讀書著述自為揚州總管

開皇十年帝為

揚州總管
好呼到翻

置王府學士至百人常令修撰以至為帝前

後近二十載

近其靳翻
載作亥翻

修撰未嘗暫停自經術文章兵

農地理醫卜釋道乃至捕博鷹狗

捕音蒲
携捕也

皆為新書無

不精洽共成三十一部萬七千餘卷初西京嘉則殿有

書三十七萬卷帝命祕書監柳顧言等詮次除其複重

猥雜

詮此緣翻說文
具也重直龍翻

得正御本三萬七千餘卷納於東

都修文殿又寫五十副本簡為三品分置西京東都宮

省官府其正書皆裝翦華淨寶軸錦標

標方小翻卷端也

於觀

文殿前為書室十四間窻戶牀褥厨幔

幔莫半翻

咸極珍麗

每三間開方戶垂錦幔上有二飛仙戶外地中施機發

帝幸書室有宮人執香爐

香爐始於漢漢官典職曰尚書郎給女史二人著潔衣服

執香爐燒薰

前行踐機則飛仙下收幔而上

踐慈演翻上時掌翻

戶扉

及厨扉皆自啓帝出則垂閉復故帝以戶口逃亡盜

賊繁多二月庚午詔民悉城居田隨近給郡縣驛亭村

塢皆築城上谷賊帥王須拔自稱漫天王

帥所類翻慢謨官翻

國號燕賊帥魏刀兒自稱厯山飛衆各十餘萬北連突

厥南寇燕趙

燕因肩翻

初高祖夢洪水沒都城意惡之

惡鳥

路故遷都大興

開皇三年遷新都

申明公李穆薨

穆薨見一百七十六卷陳

長城公至德四年

孫筠襲爵叔父渾忿其吝嗇使兄子善衡賊

殺之而證其從父弟瞿曇

從才用翻曇徒含翻

使之償死渾謂其

妻兄左衛率宇文述曰若得紹封當歲奉國賦之半述

為之言於太子

率所律翻為于偽翻

奏高祖以渾為穆嗣二歲之

後不復以國賦與述

復扶又翻

述大恨之帝即位渾累官至

右驍衛大將軍改封郕公

驍堅克翻

帝以其門族彊盛忌之

會有方士安伽陀

伽求加翻

言李氏當為天子勸帝盡誅海

內凡李姓者渾從子將作監敏小名洪兒

從才用翻

帝疑其

名應識常面告之冀其引決敏大懼數與渾及善衡屏

人私語

數所角翻屏必郢翻

述譖之於帝仍遣虎賁郎將河東裴

仁基表告渾反

帝改蒲州為河東郡賁音奔將即亮翻下同

帝收渾等家遣

尚書左丞元文都御史大夫裴蘊雜治之

治直之翻下同

按問

數日不得反狀以實奏聞帝更遣述窮治之述誘教敏

妻宇文氏為表誣告渾謀因度遼與其家子弟為將領

者共襲取御營立敏為天子述持入奏之帝泣曰吾宗

社幾傾

幾居依翻

賴公獲全耳三月丁酉殺渾敏善衡及宗

族三十二人自三從以上皆徙邊徼

從才用翻徼吉弔翻

後數月

敏妻亦鵠死

敏妻宇文氏周天之女帝之姊子也

有二孔雀自西苑

飛集寶城朝堂前

西苑在洛城西元年所築也後唐吳王世充使其弟世偉守寶城

則寶城在洛城羅郭之內自為一城既朝堂在焉則百司廨署皆在焉自為一城附於宮城之東南也唐因隋

制亦以洛陽為東京六典云東城在皇城之東皇城在東城之內百僚廨署如京城之制皇宮在皇城之北吾

以此推之皇城蓋即隋之寶城在宮城東南也朝直遙翻下同親衛校尉高德儒等十

餘人見之奏以為鸞

帝置親侍鷹揚府領親勳武三侍三侍即三衛也各置越騎校尉步

兵校尉為鸞

今年月及姓皆從畧記并溫大雅創業起居注時

孔雀已飛去無可得驗於是百僚稱賀詔以德儒誠心

冥會肇見嘉祥擢拜朝散大夫

朝直遙翻散悉亶翻

賜物百段餘

人皆賜束帛仍於其地造儀鸞殿己酉帝行幸太原

夏四月幸汾陽宮避暑宮城迫隘百官士卒布散山谷

間結草為營而居之以衛尉少卿李淵為山西河東

撫慰大使

自少始照翻使疏吏翻考異曰創業注云帝

安撫大使即隋大業十二年煬帝幸樓煩時也按十二年帝未嘗幸樓煩今從高祖實錄在幸汾陽宮時余

按隋志汾陽宮正屬樓煩郡自可以言承制黜陟選補

郡縣文武官仍發河東兵討捕羣盜淵行至龍門擊賊

帥母端兒破之

劉昫曰龍門漢父氏縣後魏改為龍門隋志屬河東郡帥所類翻母音無姓也

秋八月乙丑帝巡北塞

考異曰雜記六月突厥賊入嵐城鎮抄掠遣范安貴討

擊之王師敗績安貴死百司震懼七月帝幸鴈門先至天池值雨山谷泥深二尺從官狼狽帳幕多不至一夜

並露坐雨中至曉多死宮人初裴矩以突厥始畢可汗無食貸糒於衛士今從隋書

部衆漸盛

厥九勿翻可從刊入聲汗音寒

獻策分其勢欲以宗女嫁其

弟叱吉設拜為南面可汗叱吉不敢受始畢聞而漸怨

突厥之臣史蜀胡悉多謀略為始畢所寵任矩詐與為

互市誘至馬邑下殺之

帝改朔州為馬邑郡誘音酉

遣使詔始畢曰

史蜀胡悉叛可汗來降我已相為斬之

使疏吏翻降戶江翻為于偽翻

始畢知其狀由是不朝戊辰始畢帥騎數十萬謀襲乘

輿

朝直遙翻帥讀曰率騎奇寄翻下同乘繩證翻下同

義成公主先遣使者告變

壬申車駕駕入鴈門

隋志鴈門郡後周置肆州開皇五年改為代州帝改鴈門郡

齊

王暕以後軍保崞縣

崞漢縣後魏置石城縣開皇十年改曰平寇大業初改為崞縣屬鴈

門郡暕古限翻崞音郭

癸酉突厥圍鴈門上下惶怖

怖普布翻

撤民屋

為守禦之具城中兵民十五萬口食僅可支二旬鴈門

四十一城突厥克其三十九唯鴈門崞不下突厥急攻

鴈門矢及御前上大懼抱趙王杲而泣目盡腫左衛大

將軍宇文述勸帝簡精銳數千騎潰圍而出納言蘇威

曰城守則我有餘力輕騎乃彼之所長陛下萬乘之主

豈宜輕動

乘繩證翻

民部尚書樊子蓋曰陛下乘危徼幸

徼堅

堯翻徵幸
覬非望也

一朝狼狽悔之何及不若據堅城以挫其銳

坐徵四方兵使入援陛下親撫循士卒諭以不復征遼

復扶
又翻

厚為勲格必人人自奮何憂不濟內史侍郎蕭瑀

以為突厥之俗可賀敦預知軍謀

突厥可汗之妻為可
賀敦可從刊入聲

且義成公主以帝女嫁外夷必恃大國之援若使一介

告之借使無益庸有何損又將士之意恐陛下既免突

厥之患還事高麗

麗力
知翻

若發明詔諭以赦高麗專討突

厥則衆心皆安人自為戰矣瑀皇后之弟也虞世基亦

勸帝重為賞格下詔停遼東之役帝從之帝親巡將士

謂之曰努力擊賊

將即亮翻下將士同

苟能保全凡在行陳

行戶剛翻

陳讀曰陣並下同

勿憂富貴必不使有司弄刀筆破汝勲勞乃

下令守城有功者無官直除六品賜物百段有官以次

增益使者慰勞相望於道

使疏吏翻勞力到翻

於是衆皆踊躍晝

夜拒戰死傷甚衆甲申詔天下募兵守令競來赴難

守式

又翻難乃旦翻

李淵之子世民年十六應募隸屯衛將軍雲定

興說定興多齎旗鼓為疑兵

說式高翻

曰始畢敢舉兵圍天

子必謂我倉猝不能赴援故也宜晝則引旌旗數十里
不絕夜則鉦鼓相應虜必謂救兵大至望風遁去不然
彼衆我寡若悉軍來戰必不能支定興從之帝遣間使

求救於義成公主

間古莧翻使
疏吏翻下同

公主遣使告始畢云北

邊有急東都及諸郡援兵亦至忻口

九域志忻州秀容
縣有忻口寨隋志

秀容屬樓煩郡杜佑曰
隋置忻州因忻口為名

九月甲辰始畢解圍去帝使人

出偵山谷皆空無胡馬

偵丑
鄭翻

乃遣二千騎追躡至馬邑

得突厥老弱二千餘人而還丁未車駕還至太原

帝改
并州

為太原郡騎奇寄翻
還從宣翻又如字

蘇威言於帝曰今盜賊不息士馬

疲弊願陛下亟還西京深根固本為社稷計帝初然之

宇文述曰從官妻子多在東都

亟紀力翻
從才用翻

宜便道向洛

陽自潼關而入帝從之冬十月壬戌帝至東都

考異
曰畧記

九月辛未帝入東
都今從隋帝記

顧盼街衢

盼莫甸
翻斜視

謂侍臣曰猶大有

人在意謂鄴日平楊玄感殺人尚少故也

少詩
沼翻

蘇威追

論勲格太重宜加斟酌樊子蓋固請以為不宜失信帝

曰公欲收物情邪

邪音耶

子蓋懼不敢對帝性吝官賞初

平楊玄感應授勲者多乃更置戎秩建節尉為正六品
次奮武宣惠綏德懷仁秉義奉誠立信等尉遞降一階
將士守鴈門者萬七千人得勲者纔千五百人皆準平
玄感勲一戰得第一勲者進一階其先無戎秩者止得
立信尉三戰得第一勲者至秉義尉其在行陳而無勲
者四戰進一階亦無賜會仍議伐高麗由是將士無不
憤怨

行戶剛翻陳讀曰陣
麗力知翻將即亮翻

初蕭瑀以外戚有才行

行下
孟翻

嘗事帝於東宮累遷至內史侍郎委以機務瑀性剛鯁

數言事忤旨

數所角翻忤五故翻

帝漸疎之及鴈門圍解帝謂羣

臣曰突厥狂悖

厥九勿翻悖蒲妹翻又蒲沒翻

勢何能為少時未散

詩少

詔蕭瑀遽相恐動情不可恕出為河池郡守

隋志河池郡後魏置

南岐州後周改曰鳳州帝改河池郡守式又翻

即日遣之候衛將軍楊子崇從

帝在汾陽宮知突厥必為寇屢請早還京師帝怒曰子

崇怯懦驚動衆心

懦乃卧翻又乃亂翻

不可居爪牙之官出為離

石郡守子崇高祖之族弟也

楊玄感之亂龍舟水殿

皆為所焚詔江都更造凡數千艘

艘蘇遭翻

制度仍大於舊

者 壬申盧明月帥衆十萬寇陳汝

陳州淮揚郡汝州襄城郡帥讀曰率

東海李子通有勇力先依長白山賊帥左才相

帥所類翻

相息亮翻

羣盜皆殘忍而子通獨寬仁由是人多歸之未半

歲有衆萬人才相忌之子通引去度淮與杜伏威合伏

威選軍中壯士養為假子凡三十餘人濟陰王雄誕臨

濟闕稜為之冠

隋志濟陰郡後魏置西兗州後周改曰曹州帝改濟陰郡闕姓也左傳齊有大

夫闕止濟子禮翻冠古玩翻

既而李子通謀殺伏威遣兵襲之伏威

被重創墜馬

被皮義翻創初良翻

雄誕負之逃葭葦中收散兵復

振將軍來整擊伏威破之其將西門君儀之妻王氏勇

而多力負伏威以逃雄誕帥壯士十餘人衛之

將即亮翻帥讀

曰率下同

與隋兵力戰由是得免來整又擊李子通破之子

通帥其餘衆奔海陵復收兵得二萬人自稱將軍城

父朱粲

隋志城父縣屬譙郡父音甫

始為縣佐史

隋郡縣皆有佐史

從軍遂

亡命聚衆為盜謂之可達寒賊自稱迦樓羅王

迦音加衆

至十餘萬引兵轉掠荆沔

荊州南郡沔州沔陽郡沔彌充翻

及山南郡

縣

山南者長安南山之南

所過噍類無遺

噍才笑翻

十二月庚寅詔

民部尚書樊子蓋發關中兵數萬擊絳賊敬盤陀等

絳賊

絳郡賊也風俗通敬姓陳敬仲之後姓苑黃帝孫敬康之後

子蓋不分臧否

否音鄙

自

汾水之北村塢盡焚之賊有降者皆阬之百姓怨憤益

相聚為盜詔以李淵代之有降者淵引置左右由是賊

衆多降前後數萬人餘黨散入他郡

降戶江鞠

資治通鑑卷一百八十二

欽定四庫全書

資治通鑑卷一百八十三 宋 司馬光 撰

胡三省 音註

隋紀七

起柔兆困敦盡彊圉赤奮若五月凡一年有奇

煬皇帝下

大業十二年春正月朝集使不至者二十餘郡

漢儀正旦大朝

會諸郡計吏皆覲隋之朝集使亦此類也朝直遙翻下同始議分遣使者十二道發

兵討捕盜賊

使疏吏翻

詔毗陵通守路道德

守式又翻

集十郡

兵數萬人於郡東南起宮苑周圍十二里內為十六離

宮大抵倣東都西苑之制而奇麗過之又欲築宮於會

稽會古翻會亂不果成 三月上巳帝與羣臣飲於西苑

水上命學士杜寶撰水飾圖經采古水事七十二使朝

散大夫黃袞以木為之間以妓航酒船朝直遙翻散悉

妓渠綺翻航戶郎翻人物自動如生鐘磬箏瑟能成音曲 己丑

張金稱陷平恩隋志平恩縣屬武安郡稱尺證翻一朝殺男女萬餘口

又陷武安鉅鹿清河諸縣隋志武安縣屬武安郡鉅鹿縣屬襄國郡清河郡帶清河

縣既郡城堅守則此縣不陷詳考隋志帶郭之清河本武城縣開皇初改名清河而清河縣則舊清河縣金稱所陷金稱比諸賊尤殘暴所過民無子遺子單也遺餘蓋此

遺餘也 夏四月丁巳大業殿西苑火帝以為盜起驚走入西苑匿草間火定乃還還從宣翻又如字帝自八年以後每

夜眠恒驚悸

恒戶登翻悸其季翻心動也

云有賊令數婦人搖撫乃

得眠 癸亥歷山飛別將甄翟兒衆十萬寇太原

將即亮翻

甄側鄰翻

將軍潘長文敗死

長知兩翻

五月丙戌朔日有食之

既 壬午帝於景華宮徵求螢火得數斛夜出遊山放

之光遍巖谷

考異曰吳兢貞觀政要貞觀八年上謂侍臣曰人君之言不可容易隋煬帝幸甘

泉宮怪無螢火勅云捉取多少於宮照夜所司遽遣數千人採拾送五百舉於宮側小事尚爾况其大乎今從

隋書

帝問侍臣盜賊左翊衛大將軍宇文述曰漸少帝

曰比從來少幾何對曰不能什一納言蘇威引身隱柱

帝呼前問之對曰臣非所司不委多少

委悉也少詩治翻

但患

漸近帝曰何謂也威曰他日賊據長白山今近在汜水

隋志汜水縣屬滎陽郡舊曰成臯開皇十八年改曰汜水汜音似

且往日租賦丁役今

皆何在豈非其人皆化為盜乎比見奏賊皆不以實

毗

至翻遂使失於支計不時翦除又昔在鴈門許罷征遼今

復徵發

復扶又翻

賊何由息帝不悅而罷尋屬五月五日

屬之

欲翻百僚多饋珍玩威獨獻尚書或諧之曰尚書有五子

之歌威意甚不遜

言威以帝逸豫盤遊不知返將至失邦如夏太康也尚而亮翻孔安國曰

以其上古之書謂之尚書

帝益怒頃之帝問威以伐高麗事

麗力知翻威

欲帝知天下多盜對曰今茲之役願不發兵但赦羣盜

自可得數十萬遣之東征彼喜於免罪爭務立功高麗

可滅

麗力知翻

帝不懌威出御史大夫裴蘊奏曰此大不遜

天下何處有許多賊帝曰老革多姦

蜀志彭萊祗劉備曰老革荒悖注云

老革皮色枯瘁之形萊罵備為老革猶言老兵也帝引此語

以賊脅我欲批其口且

復隱忍

批蒲驚翻又普迷翻復扶又翻

蘊知帝意遣河南白衣張行本

隋志洛州河南郡大業二年移都改曰豫州

奏威昔在高陽典選

謂九年從帝自遼東

還高陽時選宣應翻

濫授人官畏怯突厥請還京師

事見上卷上年厥九勿翻

帝令案驗獄成下詔數威罪狀

數所具翻

除名為民後月餘

復有奏威與突厥陰圖不軌者

復扶又翻厥九勿翻

事下裴蘊推

之蘊處威死

下遐嫁翻處昌呂翻

威無以自明但摧謝而已帝憫

而釋之曰未忍即殺并其子孫三世皆除名 秋七月

壬戌濟景公樊子蓋卒

隋書樊子蓋傳帝以子蓋守東都平玄感之功進爵濟公謂其

功濟天下封以嘉名無此郡國也濟讀當如字卒子恤翻

江都新作龍舟成送東

都字文述勸幸江都右候衛大將軍酒泉趙才諫曰今

百姓疲勞府藏空竭

隋志張掖郡福祿縣舊置酒泉郡藏徂浪翻

盜賊蜂起

禁令不行願陛下還京師安兆庶帝大怒以才屬吏屬之

欲翻旬日意解乃出之朝臣皆不欲行帝意甚堅無敢諫

者建節尉任宗上書極諫

置建節尉事見上卷上年朝直遙翻下同任音壬上時掌

翻下同

即日於朝堂杖殺之甲子帝幸江都命越王侗與

光祿大夫段達太府卿元文都檢校民部尚書韋津右

武衛將軍皇甫無逸右司郎盧楚等總留後事

唐六典曰煬帝

三年尚書都司始置左右司郎各一人掌都省之職品同諸曹郎從五品總留後事者帝出巡幸以後事付留

臺官總之侗它紅翻又音同

津孝寬之子也

韋孝寬字文干城之將

帝以詩留

別宮人曰我夢江都好征遼亦偶然奉信郎崔民象以

盜賊充斥於建國門上表諫

隋志帝置謁者臺官尋又置散騎郎二十人從五品

承議郎正六品通直郎從六品各三十人宣德郎正七品宣義郎從七品各四十人徵事郎正八品將仕郎從

八品常從郎正九品奉信郎從九品各五
十人洛都羅城門正南曰建國上時掌翻帝大怒先解

其頤然後斬之

說文頤顙也順

戊辰馮翊孫華舉兵為盜

隋志

馮翊郡後魏置華州西魏改曰同州帝改為郡

虞世基以盜賊充斥請發兵屯

洛口倉

大業二年置洛口倉

帝曰卿是書生定猶怍怯

怍音匡

戊辰

車駕至鞏勅有司移箕山公路二府於倉內

鞏縣屬河南郡新唐

志河南有府三十九有鞏洛府無箕山公路二府疑移於倉內後遂并為鞏洛府也

仍令築城以

備不虞至汜水

汜音似

奉信郎王愛仁復上表請還西京

帝斬之而行至梁郡

帝改宋州為梁郡復扶又翻

郡人邀車駕上書

曰陛下若遂幸江都天下非陛下之有又斬之是時李

子通據海陵左才相掠淮北杜伏威屯六合

隋志六合縣屬江都

郡舊曰尉氏置秦郡後周改郡曰六合開皇初廢郡改尉氏縣為六合縣相息亮翻衆各數萬帝

遣光祿大夫陳稜將宿衛精兵八千討之往往克捷將

即

亮翻

八月乙巳賊帥趙萬海衆數十萬自恒山寇高陽

帝改恒州為恒山郡帥所類翻恒戶登翻

冬十月己丑許恭公宇文述卒

卒子恤翻

初述子化及智及皆無賴化及事帝於東宮帝寵

昵之

昵尼質翻

及即位以為太僕少卿

少詩照翻

帝幸榆林

三年幸榆

林見一百八十卷

化及智及冒禁與突厥交市帝怒將斬之已

解衣辮髮既而釋之賜述為奴智及弟士及以尚主之

故常輕智及惟化及與之親昵述卒帝復以化及為右

屯衛將軍智及為將作少監

為化及兄弟為逆張本復扶又翻

李密

之亡也往依郝孝德

考異曰韓昱壺關錄曰大業十一年正月歷亭鎮將王諒認形狀獲

李密送字文述密佯患足疾防守者一日不行一二十里忽至一澗水深岸險密跛足寅緣佯足蹙返撲而墜

乃至良久狀若未蘇防守者又無計下取之遂以手中鋤戟引之密以手援戟佯作失勢推戟向水守者以危

岸手探不住遂即放却密即得鎗搦守者二人俱斃遂投郝孝德於平原按密楊玄感之黨前已詐亡防者豈

得不加械繫急孝德不禮之又入王薄薄亦不之奇也
慢如此今不取

密困乏至削樹皮而食之匿於淮陽村舍
帝改陳州為淮陽郡變

姓名聚徒教授郡縣疑而捕之密亡去抵其妹夫雍丘

令丘君明
隋志雍丘縣屬梁郡雍於用翻君明不敢舍轉寄密於遊俠

王秀才家秀才以女妻之君明從姪懷義告其事
妻七細翻

從才用翻帝令懷義自齎勅書與梁郡通守楊汪相知
守式又翻

收捕汪遣兵圍秀才宅適值密出外由是獲免君明秀

才皆死韋城翟讓為東都濠曹
隋志韋城縣屬東郡開皇六年置劉昫曰隋分

白馬縣置於古城韋氏之國城東都當作東郡帝改滑州為兗州二年改為東郡郡有西曹金戶兵法士等曹

翟萇伯翻

坐事當斬獄吏黃君漢奇其驍勇

驍堅堯翻下同

夜中潛

謂讓曰翟法司天時人事抑亦可知豈能守死獄中乎

讓驚喜曰讓圜牢之豕

園求遠翻

死生唯黃曹主所命君漢

即破械出之讓再拜曰讓蒙再生之恩則幸矣奈黃曹

主何因泣下君漢怒曰本以公為大丈夫可救生民之

命故不顧其死以奉脫奈何反效兒女子涕泣相謝乎

君但努力自免勿憂吾也讓遂亡命於瓦岡為羣盜

瓦岡

在東同郡單雄信

考異曰唐書云雄信曹州人今從河洛記單常演翻驍健善用

馬槊

驍堅堯翻槊色角翻

聚少年往從之

少詩照翻

離狐徐世勣家於

衛南

離狐漢縣後魏之北濟陰郡也時屬濟陰郡唐中世改曰南華宋白曰離狐縣初置在濮水南常為

神狐所穿穴遂移水北故曰離狐衛南古楚丘也隋開皇置衛南縣屬東郡宋白曰全衛之時此地在此衛之南

垂故以名縣

年十七有勇畧說讓曰

說輪尚翻

東郡於公與勣皆

為鄉里人多相識不宜侵掠滎陽梁郡汴水所經

帝改鄭州

為滎陽郡宋州為梁郡班志汴水在滎陽西南蓋汴水所起東南入梁郡界汴皮變翻

剽行舟掠

商旅足以自資

剽匹妙翻

讓然之引衆入二郡界掠公私船

資用豐給附者益衆聚徒至萬餘人時又有外黃王當

仁濟陽王伯當韋城周文舉雍丘李公逸等皆擁衆為

盜

外黃濟陽二縣隋志皆屬濟陰即剽匪妙翻濟子禮翻

李密自雍州亡命往來

諸帥間說以取天下之策

帥所類翻說輸為翻下同

始皆不信久之

稍以為然相謂曰斯人公卿子弟志氣若是今人人皆

云楊氏將滅李氏將興吾聞王者不死斯人再三獲濟

豈非其人乎由是漸敬密密察諸帥唯翟讓最彊乃因

王伯當以見讓

考異曰隋唐書皆云密歸翟讓其中有知密是玄感亡將潛勸讓害之密懼因

王伯當以策干讓讓始敬焉按密既亡歸羣盜必不隱其姓名誰不知玄感亡將讓得之當用以敵隋何惡於密而害之今不取革命記云密投賊帥郝孝德說之曰若能用密之策河朔可指揮而定孝德曰本緣饑荒求活性命何敢別圖國家若知公在此孝德死亡無日翟讓等徒衆絕多請將兵送公於彼是日孝德以馬一匹自送至河執袂飲酒而別軍中慕從者亦數十人仍遣兵馬將送密於翟讓今從隋書為讓畫策

偽翻于往說諸小盜皆下之讓悅稍親近密與之計事近其

密因說讓曰劉項皆起布衣為帝王今主昏於上民

怨於下銳兵盡於遼東和親絕於突厥厥九勿翻方乃巡遊

揚越委棄東都此亦劉項奮起之會也以足下雄才大

畧士馬精銳席卷二京誅滅暴虐隋氏不足亡也

卷讀曰棧

讓謝曰吾儕羣盜旦夕偷生草間

儕士皆翻

君之言者非吾

所及也會有李玄英者自東都逃來經歷諸賊求訪李

密云斯人當代隋家人問其故玄英言比來民間謠歌

比毗至翻

有桃李章曰桃李子皇后統揚州宛轉花園裏勿

浪語誰道許桃李子謂逃亡者李氏之子也皇與后皆

君也宛轉花園裏謂天子在揚州無還日將轉於溝壑

也莫浪語誰道許者密也既與密遇遂委身事之前宋

城尉齊郡房玄藻自負其才

隋志宋城縣帶梁郡舊曰睢陽開皇十八年更名

恨不為時用預於楊玄感之謀變姓名亡命遇密於梁

宋之間遂與之俱遊漢沔

沔彌充翻

徧入諸賊說其豪傑還

日從者數百人

說式芮翻從才用翻

仍為遊客處於讓營

處昌呂翻讓

見密為豪傑所歸欲從其計猶豫未決有賈雄者曉陰

陽占候為讓軍師言無不用密深結於雄使之託術數

以說讓雄許諾懷之未發會讓名雄告以密所言問其

可否對曰吉不可言又曰公自立恐未必成若立斯人

事無不濟讓曰如卿言蒲山公當自立何來從我對曰

事有相因所以來者將軍姓翟翟者澤也

翟長伯翻

蒲非澤

不生故須將軍也讓然之與密情好日篤

好呼到翻

密因說

讓曰今四海糜沸

糜粥也言如粥之沸也

不得耕耘公士衆雖多

食無倉廩唯資野掠常苦不給若曠日持久加以大敵

臨之必渙然離散未若先取滎陽休兵館穀

考異曰韋命記密說

讓曰洛口倉米逾巨億請公發一札之令使密奉之告諸道英雄就倉食米必雲合響應受命於公然後稱帝

號以定中原云云讓曰就倉食米實是上謀自顧庸賤寧敢別創餘心必如此謀願奉公為主密懷懼改容而

拜讓亦拜於是言宴盡歡各恨相知之晚即日讓作書與密散告諸處賊頭並剋期定日令總會洛口倉食米

今從隋書待士馬肥充然後與人爭利讓從之於是破金隄

關金隄關當在滎陽界以漢金隄名之攻滎陽諸縣多下之滎陽太守卬

王慶弘之子也弘高祖從祖弟也封河間王守式又翻下同不能討帝徙張

須陀為滎陽通守以討之庚戌須陀引兵擊讓讓薨數

為須陀所敗數所角翻聞其來大懼將避之密曰須陀

勇而無謀兵又驟勝既驕且狠可一戰擒也狠戶公但

列陳以待密保為公破之陳讀曰陣下同讓不得已勒

為于偽翻下同

兵將戰密分兵千餘人伏於大海寺北林間須陁素輕
讓方陳而前讓與戰不利須陁乘之逐北十餘里密發
伏掩之須陁兵敗密與讓及徐世勣王伯當合軍圍之
須陁潰圍出左右不能盡出須陁躍馬復入救之來往
數四遂戰死所部兵晝夜號哭數日不止

史言張須陁
得士卒心號

戶刀

河南郡縣為之喪氣

為于偽翻
喪息浪翻

鷹揚郎將河東賈

務本為須陁之副亦被傷帥餘衆五千餘人奔梁郡務

本尋卒

將即亮翻被皮義翻
帥讀曰率卒子恤翻

詔以光祿大夫裴仁基為

河南討捕大使代領其衆徙鎮虎牢

虎牢即滎陽郡汜水縣使疏更翻

讓乃令密建牙別統所部號蒲山公營密部分嚴整

分扶

問翻凡號令士卒雖盛夏皆如背負霜雪躬服儉素所得

金寶悉頒賜麾下由是人為之用麾下士卒多為讓士

卒所陵辱以威約有素不敢報也讓謂密曰今資糧粗

足

粗坐五翻今人多從去聲

意欲還向瓦崗公若不往唯公所適讓

從此別矣讓帥輜重東引

重直用翻

密亦西行至康城說下

數城

說輸芮翻

大獲資儲讓尋悔復引兵從密

復扶又翻

鄱陽

賊帥操師乞自稱元興王建元始興

帝改饒州為鄱陽郡操姓也帥所類

翻考異曰隋帝紀作操天成按唐高祖實錄林士弘傳大業末與其鄉人操師乞起為羣盜師乞僭號建元

為天成攻陷豫章郡入據之唐書士弘傳操乞師自號元興王皆無操天成名此賊本一人而隋唐二史各有

名號年紀今參取之攻陷豫章郡帝改洪州為豫章郡以其鄉人林士弘為

大將軍詔治書侍御史劉子翊將兵討之師乞中流矢

死治直之翻中竹仲翻士弘代統其衆與子翊戰於彭蠡湖禹貢東瀕

澤為彭蠡班志豫章郡彭澤縣彭蠡湖在西今在南康軍城東南西接江州德化縣界周迴四百五十里子

翊敗死士弘兵大振至十餘萬人十二月壬辰士弘自

稱皇帝國號楚建元太平

考異曰唐高祖實錄士弘自稱南越王尋僭號建元延

康唐書林士弘傳操師乞攻陷豫章郡而據之以士弘為大將軍師乞既死士弘代董其衆復與劉子翊大戰

於彭蠡湖隋師敗績子翊死之士弘大振兵至十餘萬十三年徙據虔州稱帝其國號年名與此同今從隋書

遂取九江臨川南康宜春等郡

帝改江州為九江郡改撫州為臨川郡虔州為

南康郡袁州為宜春郡

豪傑爭殺隋守令以郡縣應之其地北自

九江南及番禺皆為所有

南海郡治番禺并為南海縣番音潘禺音愚

詔

以右驍衛將軍唐公李淵為太原留守

帝改并州為太原郡驍堅亮翻

守式以虎賁郎將王威虎牙郎將高君雅為之副

帝改定官

制十二衛府每衛置護軍四人掌副貳將軍尋改護軍為虎賁郎將正四品而置虎牙郎將六人副焉從四品

將即亮翻下同賁音奔

將兵討甄翟兒

甄側翟翻

與翟兒遇於雀鼠谷

隋志西河郡永安縣有雀鼠谷

淵衆纔數千賊圍淵數匝

西子荅翻

李世民

將精兵救之拔淵於萬衆之中會步兵至合擊大破之

考異曰新舊唐書本紀皆云十三年拜太原留守新書仍云擊高陽歷山飛甄翟兒於西河破之今從隋帝

紀

帝疎薄骨肉蔡王智積每不自安及病不呼醫臨

終謂所親曰吾今日始知得保首領沒於地矣 張金

稱郝孝德孫宣雅高士達楊公卿等寇掠河北屠陷郡

縣隋將帥敗亡者相繼

將即亮翻
帥所類翻

唯虎賁中郎將蒲城

王辯清河郡丞華陰揚善會數有功

按隋官制無中郎
將王辯傳辯自鷹

揚郎將遷虎賁郎將中
字衍隋志蒲城縣屬馮翊郡
數所角翻

善會前後與賊七百餘

戰未嘗負敗帝遣太僕卿楊義臣討張金稱金稱營於

平恩東北

隋志平恩縣
屬武安郡

義臣引兵直抵臨清之西據永

濟渠為營

隋志臨清縣屬清河郡
劉昫曰臨清漢清泉
縣後魏改為臨清永濟
渠大業初所開

去

金稱營四十里深溝高壘不與戰金稱日引兵至義臣

營西義臣勒兵環甲

掾音
宦

約與之戰既而不出日暮金

稱還營明旦復來

復扶又翻下同

如是月餘義臣竟不出金稱

以為怯屢逼其營詈辱之

詈力智翻

義臣乃謂金稱曰汝明

旦來我當必戰金稱易之不復設備

易以鼓翻

義臣簡精騎

二千夜自館陶濟河

隋志館陶縣屬武陽郡此河謂清河也

伺金稱離營

即入擊其累重

離力智翻累力瑞翻重直用翻

金稱聞之引兵還義臣

從後擊之金稱大敗與左右逃於清河之東月餘楊善

會討擒之吏立木於市懸其頭張其手足令仇家割食

之未死間歌謳不輟詔以善會為清河通守

守式又翻

涿

郡通守郭絢

絢許縣翻

將兵萬餘人討高士達士達自以才

畧不及竇建德乃進建德為軍司馬悉以兵授之建德

請士達守鞏重自簡精兵七千人拒絢詐為與士達有

隙而叛遣人請降於絢

降戶江翻

願為前驅擊士達以自効

絢信之引兵隨建德至長河

隋志長河縣屬平原郡舊曰廣川仁壽初改名

不

復設備建德襲之殺虜數千人斬絢首獻士達張金稱

餘衆皆歸建德楊義臣乘勝至平原欲入高雞泊討之

建德謂士達曰歷觀隋將

將即亮翻

善用兵者無如義臣今

滅張金稱而來其鋒不可當請引兵避之使其欲戰不

得坐費歲月將士疲倦然後乘間擊之

間古見翻

乃可破也

不然恐非公之敵士達不從留建德守營自帥精兵逆

擊義臣

帥讀曰率

戰小勝因縱酒高宴建德聞之曰東海公

未能破敵遽自矜大禍至不久矣後五日義臣大破士

達於陳斬之乘勝逐北趣其營

陳讀曰陣趣七喻翻

營中守兵皆

潰建德與百餘騎亡去至饒陽

隋志饒陽縣屬河間郡騎奇寄翻

乘其

無備攻陷之收兵得三千餘人義臣既殺士達以為建

德不足憂引去建德還平原收士達散兵收葬死者為

士達發喪軍復大振

為于偽翻考異曰革命記曰高士達高德政與宗族鳩集離散得

五萬人捺渴於四根柳樹入高雞泊中德政自號東海公以建德為長史俄而德政病死即有高擻脫繼立為東海公建德仍依舊任擻脫領兵却抄至宴城府為城中兵所射而死賊之異姓皆欲建德為主高氏一族不欲更立別人遂分為兩軍各相猜貳然高氏兵精強建德恐被屠乃詐分為官軍告高氏併力共擊之高氏無疑即合軍共鬪兵刃繞交建德自後擊之高氏兵大亂建德兩軍擁掠遣坐簡其驍勇及頭首千餘人殺之遂總統其眾建德自號長樂王寇抄州縣即大業十二年二月也今從隋唐書 自稱將軍先是

羣盜得隋官及士族子弟皆殺之

先悉薦翻

獨建德善遇之

由是隋官稍以城降之聲勢日盛勝兵至十餘萬人降

江翻下同
勝音升

內史侍郎虞世基以帝惡聞賊盜

惡烏路翻

諸

將及郡縣有告敗求救者

將即亮翻

世基皆抑損表狀不以

實聞但云鼠竊狗盜郡縣捕逐行當殄盡願陛下勿以

介懷帝良以為然或杖其使者以為妄言由是盜賊徧

海內陷沒郡縣帝皆弗之知也楊義臣破降河北賊數

十萬列狀上聞

所降者皆張金稱高士達之衆
將即亮翻使疏吏翻上時掌翻

帝歎曰

我初不聞賊頓如此義臣降賊何多也世基對曰小竊

雖多未足為慮義臣克之擁兵不少

少詩治
翻下同

久在閫外

此最非宜帝曰卿言是也遽追義臣放散其兵賊由是

復盛

復扶
又翻

治書侍御史韋雲起劾奏世基及御史大夫

裴蘊職典樞要維持內外四方告變不為奏聞

治直之
翻劾戶

梁翻又戶得
翻為于偽翻

賊數實多裁減言少陛下既聞賊少發兵

不多衆寡懸殊往皆不克故使官軍失利賊黨日滋請

付有司結正其罪大理卿鄭善果奏雲起詆訾名臣

訾將

此翻

所言不實非毀朝政妄作威權

朝直
遙翻

由是左遷雲起

為大理司直

唐六典後魏永安三年御史中尉高穆奏置司直十人視五品隸廷尉位在正監上

不置曹事唯覆理御史劾事北齊及隋因之

帝至江都江淮郡官謁見者

見賢

通專問禮餉豐薄豐則超遷丞守薄則率從停解江都

郡丞王世充獻銅鏡屏風遷通守

守式又翻

厯陽郡丞趙元

楷獻異味遷江都郡丞

帝改和州為厯陽郡趙元楷自小郡丞遷大郡丞

由是

郡縣競務刻剝以充貢獻民外為盜賊所掠內為郡縣

所賦生計無遺加之饑饉無食

無穀曰饑無蔬果曰饉

民始采樹

皮葉或擣藁為末或煮土而食之諸物皆盡乃自相食

而官食猶充物吏皆畏灋莫敢賑救王世充密為帝簡閱江淮民間美女獻之由是益有寵 河間賊帥格謙

擁衆十餘萬據豆子航

帝改灋州為河間郡姓苑格姓允格之後帥所類翻航各朗翻

自稱燕王帝命王世充將兵討斬之謙將勃海高開道

帝改滄州為勃海郡燕因肩翻將即亮翻下同

收其餘衆寇掠燕地軍勢復振

復扶又翻

初帝謀伐高麗

麗力知翻

器械資儲皆積於涿郡涿

郡人物殷阜屯兵數萬又臨朔宮多珍寶諸賊競來侵掠留守官虎賁郎將趙什住等不能拒唯虎賁郎將雲

陽羅藝獨出戰

守式又翻貢音奔將即亮翻雲陽縣屬京兆郡

前後破賊甚衆

威名日重什住等陰忌之藝將作亂先宣言以激其衆

曰吾輩討賊數有功

數所角翻

城中倉庫山積制在留守之

官而莫肯散施以濟貧乏

施式鼓翻

將何以勸將士衆皆憤

怨軍還郡丞出城候藝藝因執之陳兵而入什住等懼

皆來聽命乃發庫物以賜戰士開倉廩以賑貧乏境內

咸服殺不同己者勃海太守唐裨等數人

守式又翻

威振燕

地柳城懷遠並歸之藝黜柳城太守楊林甫改郡為營

州隋志柳城縣帶遼西郡與襄平郡蓋皆帝所置改郡為州示復開皇之舊也以襄平太守

鄧暉為總管暉古老翻藝自稱幽州總管突厥數寇北邊

厥九勿翻詔晉陽留守李淵帥太原道兵與馬邑太守王仁

恭擊之

晉陽留守即太原留守也太原有晉陽宮故亦稱晉陽太守帝改朔州為馬邑郡帥讀曰率下

同守式又翻

時突厥方彊兩軍衆不滿五千仁恭患之淵選

善騎射者二千人使之飲食舍止一如突厥或與突厥

遇則伺便擊之前後屢捷突厥頗憚之

前後屢得小捷耳曰頗憚者未

深憚也厥九勿翻騎奇寄翻伺相吏翻

恭皇帝

諱脩封代王元德太子昭之子煬帝之孫也謚法尊賢讓善曰恭

義寧元年

是年十一月李淵克長安方奉代王即位改元通鑑因以繫年

春正月右禦

衛將軍陳稜討杜伏威伏威帥衆拒之稜閉壁不戰伏

威遺以婦人之服謂之陳姥

遺于季翻姥莫補翻

稜怒出戰伏威

奮擊大破之稜僅以身免

考異曰隋陳稜傳云往往克捷唐杜伏威傳云稜僅以

身免蓋稜先破李子通等後為伏威所敗也今從唐書

伏威乘勝破高郵

隋志高郵縣屬

江都郡

引兵據歷陽自稱總管以輔公柝為長史

柝音石長知兩

翻分遣諸將徇屬縣所至輒下

將即亮翻

江淮間小盜爭附

之伏威常選敢死之士五千人謂之上募寵遇甚厚有
攻戰輒令上募先擊之戰罷閱視有傷在背者即殺之
以其退而被擊故也被皮義翻所獲資財皆以賞軍士有戰
死者以妻妾徇葬故人自為戰所向無敵 丙辰竇建

德為壇於樂壽

隋志樂壽縣屬河間郡古樂城縣仁壽初更名樂音洛下同

自稱長

樂王置百官改元丁丑

考異曰許敬宗太宗實錄舊唐帝紀皆云武德元年二月建

德稱長樂王按建德改元丁丑即是今歲今從隋帝紀及建德傳

辛巳魯郡賊徐圓

朗攻陷東平分兵略地自琅邪以西北至東平盡有之

煬帝改兗州為魯郡改鄆州為勝兵二萬餘人勝音東平郡沂州為琅邪郡邪音耶

盧明月轉掠河南至于淮北衆號四十萬自稱無上王

帝命江都通守王世充討之世充與戰於南陽大破之

隋志南陽郡舊置荊州開皇初改鄆州煬帝改為郡守式又翻斬明月餘衆皆散二

月壬午朔方鷹揚郎將梁師都帝改夏州為朔方郡將即亮翻殺郡丞

唐世宗據郡自稱大丞相北連突厥馬邑太守王仁

恭煬帝改朔州為馬邑郡多受貨賂不能振施施式跋翻郡人劉武周

驍勇喜任俠驍堅堯翻喜許記翻為鷹揚府校尉煬帝改大都督為校尉校戶教

翻仁恭以其土豪甚親厚之令帥親兵屯閣下

帥讀武曰率

周與仁恭侍兒私通恐事泄謀作亂先宣言曰今百姓

饑饉僵尸滿道王府君閉倉不賑卹豈為民父母之意

乎

僵居良翻賑津忍翻下同

衆皆憤怒武周稱疾卧家豪傑來候問

武周椎牛縱酒因大言曰壯士豈能坐待溝壑今倉粟

爛積誰能與我共取之豪傑皆許諾己丑仁恭坐聽事

聽讀曰廳

武周上謁

上時掌翻

其黨張萬歲等隨入升階斬仁恭

持其首出徇郡中無敢動者於是開倉以賑饑民馳檄

境內屬城皆下之收兵得萬餘人武周自稱太守

守式又翻

考異曰創業注云二月己丑馬邑軍人劉武周殺太守王仁恭據其郡自稱天子國號定楊按唐書武周據

汾陽宮乃僭號于時未也

遣使附于突厥

使疏吏翻厥九勿翻

李密說翟讓

曰

說式芮翻翟萇伯翻

今東都空虛兵不素練越王冲幼留守諸

官政令不壹士民離心段達元文都閻而無謀以僕料

之彼非將軍之敵若將軍能用僕計天下可指麾而定

乃遣其黨裴叔方覘東都虛實

守式又翻令力定翻覘丑廉翻又丑艷翻

留

守官司覺之始為守禦之備且馳表告江都密謂讓曰

事勢如此不可不發兵灋曰先則制於已後則制於人

今百姓饑饉洛口倉多積粟去都百里有餘

都謂東都

將軍

若親帥大衆輕行掩襲

帥讀曰率

彼遠未能救又先無豫備

取之如拾遺耳比其聞知

比必寐翻

吾已獲之發粟以賑窮

乏遠近孰不歸附百萬之衆一朝可集枕威養銳

枕職任翻

以逸待勞縱彼能來吾有備矣然後檄召四方引賢豪

而資計策選驍悍而授兵柄

驍堅克翻悍戶肝翻又下罕翻

除亡隋之

社稷布將軍之政令豈不盛哉讓曰此英雄之畧非僕

所堪惟君之命盡力從事請君先發僕為後殿

殿丁庚旬翻

寅密讓將精兵七千人

將即亮翻

出陽城北踰方山自羅口

襲興洛倉破之

隋志陽城縣屬河南郡陸渾縣有方山華縣有興洛倉魏收地形志華縣有長

羅川羅口蓋即長羅川口水經羅水出方山西北流謂之長羅川又西北過訾城東北而入于洛括地志方山在洛州汜水縣東南三十二里汜水所出也開倉恣民所取老弱襁負道路

相屬

襁居兩翻屬之欲翻

朝散大夫時德獻以尉氏應密

時姓楚大夫申

叔時之後隋志尉氏縣屬潁川郡尉氏漢縣也應劭曰古獄官曰尉氏鄭之別獄也臣贊曰鄭大夫尉氏之邑故遂以名邑朝直前宿城令祖君彥自昌平往歸之

隋志

宿城縣屬東平郡開皇十六年置劉昫曰漢須昌縣故城在今鄆州東南三十二里隋於此置宿城縣昌平縣

隋志屬
汝郡

君彥珽之子也

珽他
鼎翻

博學強記文辭瞻敏著名

海內吏部侍郎薛道衡嘗薦之於高祖高祖曰是歌殺

斛律明月人兒邪

歌殺斛律光事見一百七十一
卷陳高宗太建四年邪音耶

朕不

須此輩煬帝即位尤疾其名依常調選東平書佐檢校

宿城令

隋制州郡皆有書佐在祭酒從事之上視正九
品謂之流內視品檢校官未得為真調徒鈞翻

選宣
應翻

君彥自負其才常鬱鬱思亂密素聞其名得之

大喜引為上客軍中書檄一以委之越王侗遣虎賁郎

將劉長恭光祿少卿房翊

倂音通賁音奔將即亮翻少始照翊士力翻

帥步

騎二萬五千討密

帥讀曰率下同騎奇寄翻

時東都人皆以密為饑

賊盜米烏合易破

易以豉翻

爭來應募國子三館學士

隋以國子

太學四門為三館

及貴勝親戚皆來從軍器械修整衣服鮮華

旌旗鉦鼓甚盛長恭等當其前使河南討捕大使裴仁

基等將所部兵自汜水西入以掩其後

大使疏吏翻將即亮翻汜音祀

約十一日會于倉城

按考異曰蒲山公傳云剋取二十一日會戰於河洛故曰取其月

十二日會戰按下有庚子則非二十一日也當是十一日

密讓具知其計東都兵先

至士卒未朝食長恭等驅之度洛水陳於石子河西

水經

注洞水出南溪石泉世亦名之為石泉水過鞏東坎南
欲聚西而北入于洛蓋即石子河也陳讀曰陣下同

北十餘里密讓選驍雄分為十隊

驍
亮

堅令四隊伏橫嶺

下以待仁基以六隊陳於石子河東長恭等見密兵少

輕之

少詩
治翻

讓先接戰不利密帥麾下橫衝之隋兵饑疲

遂大敗長恭等解衣潛竄得免奔還東都士卒死者什

五六越王侗釋長恭等罪慰撫之密讓盡收其輜重器

甲

重直
用翻

威聲大振讓於是推密為主上密號為魏公

時上

掌
翻 庚子設壇場即位稱元年

考異曰壺關錄云王伯當令密於西垣校射書王

字於棚上如錢約中者為主其次以遠近為拜官高下使賈雄執箭仰天而誓密正中字心遂奉以為主其說

鄆陋今不取河洛記云改大業十二年為永平元年今從蒲山公傳及隋唐書 大赦其文書行

下下 稱行軍元帥府

帥所類翻下同

其魏公府置三司六衛

元帥府置長史以下官屬拜翟讓為上柱國司徒東郡

公

長知兩翻後來進封耳

考異曰河洛記云鄧公益今從蒲山公傳及隋唐書

亦置長史以

下官減元帥府之半以單雄信為左武候大將軍

單音善

徐世勣為右武候大將軍各領所部房彥藻為元帥左

長史東郡郚元真為右長史楊德方為左司馬鄭德韻

為右司馬祖君彥為記室其餘封拜各有差於是趙魏

以南江淮以北羣盜莫不響應孟讓郝孝德王德仁郝呼

各及濟陰房獻伯上谷王君廓長平李士才淮陽魏六

兒李德謙譙郡張遷魏郡李文相譙郡黑社白社濟北

張青特上洛周比洮胡驢賊等皆歸密隋志長平郡舊曰建州開皇初

改為澤州煬帝改為郡譙郡後魏置南兗州後周改毫州煬帝改為郡改濟州為濟北郡商州為上洛郡黑社

白社益賊之號非人姓名也濟子禮翻相息亮翻比毗至翻洮土刀翻密悉拜官爵使各

領其衆置百營簿以領之道路降者不絕如流

江降戶衆翻

至數十萬

考異曰二月丙辰密遣其將夜襲倉城二府兵擊退之已未又悉衆來攻而府兵敗遂

入據倉然二府將士猶各固小倉城二十餘日不下既而外救不至食又盡城乃陷沒死者大半於是鞏縣長柴孝和監察御史鄭頤等舉縣降賊密開倉招納降者日數百千人於是趙魏以南江淮以北莫不歸附自是賊徒滋蔓矣壬子遣劉長恭房胤等統兵東討大敗戊午還都王慰撫不責也於是發教募士庶商旅奴等分置營壁各立將帥統領而固守其諸里居民皆移入三城之內於省寺府舍安置焉又使宋遵貴將兵鎮陝縣太原倉雜記密稱魏公改年于時倉猶自固守既而密遣崔讓將兵夜襲倉城官軍擊退之明日又引衆攻倉連戰三日陷外城官軍猶捉子城月餘外援不至城盡陷沒死者十六七按二月壬午朔無丙辰等日今從隋

書

乃命其護軍田茂廣築洛口城方四十里而居之

考

異曰壺關錄云周四十八里今從隋書

密遣房彥藻將兵東略地取安陸

汝南淮安濟陽

煬帝改安州為安陸郡隋志汝南郡後魏置豫州帝改洛州為豫州以此為濠

州又改曰蔡州尋改為郡淮安郡後魏置東荊州西魏改為淮州開皇五年又改為顯州煬帝改為郡濟陽縣屬濟陰郡

濟子禮翻

河南郡縣多陷於密

鴈門郡丞河東陳孝

意與虎賁郎將王智辯共討劉武周圍其桑乾鎮

桑乾漢縣

後魏為桑乾郡後周廢隋以為鎮在馬邑郡義陽縣界賁音奔將即亮翻乾音干

壬寅武周與

突厥合兵擊智辯殺之孝意奔還鴈門三月丁卯武周

襲破樓煩郡進取汾陽宮獲隋宮人以賂突厥始畢可

汗

厥九勿翻可從
刊入聲汗音寒

始畢以馬報之兵勢益振又攻陷定

襄

煬帝改雲州
為定襄郡

突厥立武周為定楊可汗

言將使之定
楊州也考

異曰新舊唐書武周皆無國號
惟創業起居注云國號定楊

遺以狼頭纛

隋書曰突
厥本狼種

牙門建狼頭纛示不
忘本也遺于季翻

武周即皇帝位立妻沮氏為皇后

沮子
余翻

改元天興以衛士楊伏念為尚書左僕射妹婿同

縣苑君璋為內史令武周引兵圍鴈門陳孝意悉力拒

守乘間出擊武周屢破之

間古莧
翻下同

既而外無救援遣間

使詣江都皆不報

使疏吏翻

孝意誓以必死旦夕向詔敕庫

俯伏流涕悲動左右圍城百餘日食盡校尉張倫殺孝

意以降

校戶教翻降戶江翻

梁師都略定雕陰弘化延安等郡

隋志雕陰郡西魏置綏州大業初改為上郡尋改為雕陰郡改慶州為弘化郡

遂即皇帝位國

號梁改元永隆始畢遺以狼頭纛號為大度毗伽可汗

師都乃引突厥居河南之地攻破鹽川郡

隋志鹽川郡西魏置西安

州後改為鹽州煬帝改為郡

左翊衛蒲城郭子和

郭子和蓋衛士之屬左翊衛府

者坐事徙榆林會郡中大饑子和潛結敢死士十八人

攻郡門執郡丞王才數以不恤百姓斬之

數所具翻

開倉賑

施自稱永樂王

施式鼓翻
樂音洛

改元丑平尊其父為太公以

其弟子政為尚書令子端子升為左右僕射有二千餘

騎南連梁師都北附突厥各遣子為質以自固

騎奇寄
翻厥九

勿翻質
音致

始畢以劉武周為定楊天子梁師都為解事天

子

解戶
買翻

子和為平楊天子

平楊猶
定楊也

子和固辭不敢當乃

更以為屋利設

汾陰薛舉僑居金城

隋志汾陰縣屬
河東郡煬帝改

蘭州為金城
郡僑寓也

驍勇絕倫家資鉅萬交結豪傑雄於西邊

為金城府校尉

新唐志金城郡有府二曰廣武金

時隴

右盜起金城令郝瑗

金城縣尉帶郡郝瑗各翻瑗于春翻

募兵得數千人

使舉將而討之

將即亮翻

夏四月癸未方授甲置酒饗士舉

與其子仁果及同黨十三人於座劫瑗發兵

考異曰唐高祖實

錄先作仁果後作仁果新舊高祖太宗紀薛舉傳柳芳唐歷柳宗元集皆作仁果太宗實錄吳兢太宗勲吏革

命記焦璐唐朝年代記陳嶽唐統記皆作仁果今醴泉昭陵前有石馬六匹其一銘曰白蹄烏平薛仁果時所

乘此最可據今從之

囚郡縣官開倉賑施

賑津忍翻施式智翻

自稱西秦霸

王改元秦興以仁果為齊公少子仁越為晉公招集羣

盜掠官牧馬賊帥宗羅睺帥衆歸之以為義興公

少詩照翻

賊帥所類翻
睺帥讀曰率

將軍皇甫綰將兵一萬屯枹罕

煬帝改河州為枹罕

郡綰將即亮
翻枹音膚

舉選精銳二千人襲之岷山羌酋鍾利俗

擁衆二萬歸之

隋志臨洮郡臨洮縣有岷山酋才由翻

舉兵大振更以仁

果為齊王領東道行軍元帥

帥所類翻

仁越為晉王兼河州

刺史

復以枹罕
郡為河州

羅睺為興王以副仁果分兵略地取西

平澆河二郡

煬帝改鄯州為西平郡周武帝逐吐谷
渾置廓州煬帝改為澆河郡澆古亮翻未

幾盡有隴西之地衆至十三萬

幾居
豈翻

李密以孟讓為

總管齊郡公

考異曰河洛記作孟達今從隋書

己丑夜讓帥步騎二千

入東都外郭

外郭羅郭也帥讀曰率騎奇計翻

燒掠豐都市比曉而去

比必寐翻

於是東京居民悉遷入宮城臺省府寺皆滿輦縣

長柴孝和監察御史鄭頴以城降密

長知兩翻下同頴它鼎翻降戶江翻

下同密以孝和為護軍頴為右長史裴仁基每破賊得軍

資悉以賞士卒監軍御史蕭懷靜不許

監工銜翻

士卒怨之

懷靜又屢求仁基長短劾奏之

劾戶槩翻又戶得翻

倉城之戰仁

基失期不至聞劉長恭等敗懼不敢進屯百花谷

百花谷益

在汜水縣西
華縣東南

固壘自守又恐獲罪於朝

朝直遙翻

李密知其

狼狽

集韻狽音貝狼屬生子或欠一足二足相附而行離則踣故猝遽謂之狼狽

使人說之

說輸苒翻

啗以厚利

啗徒濫翻

賈務本之子閏甫在軍中

賈務本見上榮

陽之戰

勸仁基降密仁基曰如蕭御史何閏甫曰蕭君如

棲上雞若不知機變在明公一刀耳仁基從之遣閏甫

詣密請降密大喜以閏甫為元帥府司兵參軍兼直記

室事使之復命遣仁基書慰納之

遺于季翻

仁基還屯虎牢

蕭懷靜密表其事仁基知之遂殺懷靜帥其眾以虎牢

降密密以仁基為上柱國河東公仁基子行儼驍勇善

戰密密亦以為上柱國絳郡公

驍堅堯
翻下同

密得秦叔寶及東

阿程皎金

隋志東阿縣屬濟
北郡皎五巧翻

皆用為驃騎

驃騎問皇官
制也煬帝改

為鷹揚郎將驃匹
妙翻騎奇寄翻

選軍中尤驍勇者八千人分隸四驃

騎以自衛號曰內軍常曰此八千人足當百萬皎金後

更名知節

更工
衡翻

羅士信趙仁基皆帥眾歸密密署為總

管使各統所部癸巳密遣裴仁基孟讓帥二萬餘人襲

回洛東倉破之

新唐志孟州河陽有回洛故城是地得
名之由見一百五十八卷梁武帝大同

九年遂燒天津橋

賜帝使宇文愷營造東都洛水貫都

縱

兵大掠東都出兵擊之仁基等敗走密自帥衆屯回洛

倉東都兵尚二十餘萬人乘城擊柝

折他各翻

晝夜不解甲

密攻偃師金墉皆不克

偃師縣屬河南郡在都城東北六里則金墉亦在都城之東

乙未還洛口

考異曰畧記

三月辛未密遣

孟讓將二千餘人夜入都郭燒豐都市比曉而去癸未密襲據都倉乙亥密部衆入自上春門於宣仁門東街

立柵而住丙寅燒上春門及街南北里門樓火接宣仁門因逼門為陳與城上弓矢相接而退還倉雜記密遣

格諫將兵燒豐都市三月越王侗教募人捉宮城守固官賞有差撤天津等諸橋運回洛倉米入城四月密攻

偃師圍金墉東都兵出密還洛口五月裴仁基翻虎牢
入賊自滎陽以東至陳譙下邳彭城梁郡皆屬密賊衆
逾威并家口百萬蒲山公傳三月丁亥密帥衆入自上
東門攻宣仁門不克丙寅燒上東門而退此三書月日
交錯皆不可憑
今從隋唐書
東都城內乏糧而布帛山積至以絹為

汲綆

綆古杏翻

然布以熨越王侗使人運回洛倉米入城遣

兵五千屯豐都市五千屯上春門五千屯北邙山為九

營首尾相應以備密丁酉房獻伯陷汝陰

煬帝改潁州為汝陰郡

淮陽太守趙陀舉郡降密

守式又翻

陀徒河翻降戶江考異曰隋書作趙佗今

從蒲山公傳

已亥密帥衆三萬復據回洛倉大修營塹以逼

東都

復扶又翻
塹七艷翻

段達等出兵七萬拒之辛丑戰於倉北

隋兵敗走丁未密使其幕府移檄郡縣數煬帝十罪

數所

具翻又
所主翻

且曰罄南山之竹書罪無窮決東海之波流惡

難盡祖君彥之辭也越王侗遣太常丞元善達間行賊

中

間古
覓翻

詣江都奏稱李密有衆百萬圍逼東都據洛口

倉城內無食若陛下速還烏合必散不然者東都決沒

因歐歔嗚咽帝為之改容

歔音虛歔音希又
許既翻為于偽翻

虞世基進

曰越王年少

少詩
照翻

此輩誑之

誑居
况翻

若如所言善達何緣

來至帝乃勃然怒曰善達小人敢廷辱我因使經賊中

向東陽催運

此東陽益指
婺州東陽郡

善達遂為羣盜所殺是後人

人杜口莫敢以賊聞世基容貌沈審

沈持
林翻

言多合意特

為帝所親愛朝臣無與為比親黨憑之鬻官賣獄賄賂

公行其門如市由是朝野共疾怨之

朝直
遙翻

內史舍人封

德彛託附世基以世基不開吏務

閤習
也

密為指畫宣行

詔命諂順帝意羣臣表疏忤旨者皆屏而不奏

為于偽
翻忤五

故翻屏
必鄂翻鞠獄用灑多峻文深詆論功行賞則抑削就薄

故世基之寵日隆而隋政益壞皆德彝所為也 初唐

公李淵娶於神武肅公竇毅

神武郡名隋志馬邑郡神武縣舊置神武郡

生

四男建成世民立霸元吉一女適太子千牛備身臨汾

柴紹

隋志東宮左右內率府有千牛備身八人掌執千牛刀以千牛名刀者取其解千牛而芒刃不頓臨

汾縣帶臨汾郡本平陽也開皇初改名

世民聰明勇決識量過人見隋室

方亂陰有安天下之志傾身下士散財結客咸得其歡

心

下邳稼翻

世民娶右驍衛將軍長孫晟之女

驍堅克翻長知兩翻晟承

翻正右勲衛長孫順德晟之族弟也與右勲侍池陽劉弘

基

隋開皇置親勳武三衛大業初改為親勳武三侍順德蓋開皇中為勳衛弘基則為大業勳侍也三衛三

侍皆分左右劉弘基雍州池陽人隋志雍州有雲陽縣無池陽舊唐志云貞觀三年改石門為雲陽雲陽為池陽通鑑據唐書以皆避遼東之役亡命在晉陽依淵與

唐州縣書之也

世民善左親衛竇琮熾之孫也

竇熾隋初三公

亦亡命在太原

素與世民有隙每以自疑世民加意待之出入卧内琮

意乃安晉陽宮監猗氏裴寂

隋離宮皆置宮監猗氏縣屬河東郡

晉陽令

武功劉文靜

晉陽縣帶太原郡武功縣屬京兆郡

相與同宿見城上烽火

寂嘆曰貧賤如此復逢亂離

又翻復扶

將何以自存文靜笑

曰時事可知吾二人相得何憂貧賤文靜見李世民而

異之深自結納謂寂曰此非常人豁達類漢高神武同

魏祖年雖少命世才也

少詩照翻

寂初未然之

未知文靜之言為是

文

靜坐與李密連昏繫太原獄

繫郡獄

世民就省之文靜曰

天下大亂非高光之才不能定也

以漢高祖光武之事摘發世民省悉景翻

下世民曰安知其無但人不識耳我來相省非兒女子

之情欲與君議大事也計將安出文靜曰今主上南巡

江淮李密圍逼東都羣盜殆以數萬當此之際有真主

驅駕而用之取天下如反掌耳太原百姓皆避盜入城
文靜為令數年知其豪傑一旦收拾可得十萬人尊公
所將之兵復且數萬

將即亮翻
復扶又翻

一言出口誰敢不從以

此乘虛入關號令天下不過半年帝業成矣世民笑曰

君言正合吾意乃陰部署賓客淵不之知也世民恐淵

不從猶豫久之不敢言淵與裴寂有舊每相與宴語或

連日夜文靜欲因寂關說

關白也說輸
芮翻下同

乃引寂與世民

交世民出私錢數百萬使龍山令高斌廉與寂博稍以

輸之

按隋志後齊置龍山縣帶太原郡開皇十年改曰晉陽則此時不復有龍山矣豈弼庶在開皇中嘗

為令史以舊官書之邪對博者不勝者納物與勝者曰輸弼音彬

寂大喜由是日從世

民遊情款益狎世民乃以其謀告之寂許諾會突厥寇

馬邑淵遣高君雅將兵與馬邑太守王仁恭并力拒之

仁恭君雅戰不利

按王仁恭是年春已死此必去年史序李淵起兵來歷及之厥九勿翻將

即亮翻守式又翻

淵恐并獲罪甚憂之世民乘間屏人說淵曰

間古莧翻屏必郢翻

今主上無道百姓困窮晉陽城外皆為戰場

大人若守小節下有寇盜上有嚴刑危亡無日不若順

民心興義兵轉禍為福此天授之時也淵大驚曰汝安得為此言吾今執汝以告縣官因取紙筆欲為表世民徐曰世民觀天時人事如此故敢發言必欲執告不敢辭死淵曰吾豈忍告汝汝慎勿出口明日世民復說淵曰今盜賊日繁遍於天下大人受詔討賊賊可盡乎要

之終不免罪且世人皆傳李氏當應圖讖

復扶又翻說式芮翻讖楚

譖故李金才無罪一朝族滅

李渾字金才族滅事見上卷大業十一年

大人

設能盡賊則功高不賞身益危矣唯昨日之言可以救

禍此萬全之策也願大人勿疑淵乃嘆曰吾一夕思汝

言亦大有理今日破家亡軀亦由汝化家為國亦由汝

矣先是裴寂私以晉陽宮人侍淵先志淵從寂飲酒酣

寂從容言曰二郎陰養士馬欲舉大事正為寂以宮人

侍公世民第二從千恐事覺并誅為此急計耳衆情已

協公意如何淵曰吾兒誠有此謀事已如此當復奈何

正須從之耳復扶又帝以淵與王仁恭不能禦寇遣使

者執詣江都此帝謂煬帝淵大懼世民與寂等復說淵

曰今主昏國亂盡忠無益偏裨失律而罪及明公

說式芮翻

裨賓彌翻事已迫矣宜早定計且晉陽士馬精彊宮監蓄積

巨萬以茲舉事何患無成代王幼冲關中豪傑並起未

知所附公若鼓行而西撫而有之如探囊中之物耳

探吐

南翻柰何受單使之囚

使疏吏翻下遣使同

坐取夷滅乎淵然之密

部勒將發會帝繼遣使者馳驛赦淵及仁恭使復舊任

考異曰創業注曰隋主遣司直姓名馳驛繫帝而斬仁恭帝自以姓名著於圖錄太原王氣所在恐被猜忌因而禍及頗有所悔時皇太子在河東獨有秦王侍側耳語謂王曰隋歷將盡吾家繼膺符命不早起兵者顧

爾兄弟未集耳今遭羗里之厄爾昆季須會孟津之師
不可從吾同受挐戮家破身亡為英雄笑王泣而啓帝
曰芒碭山澤是處容人請同漢祖以觀時變帝曰今遇
時來逢茲銅繫雖觀機變何能為也然天命有在吾應
會昌未必不以此相啓今吾激厲謹當敬天之誠以卜
興亡自天祐吾彼焉能害天必亡我何所逃刑乃後數
日果有詔使馳驛而至釋淵而免仁恭各依舊檢校所
部案煬帝若有詔斬仁恭則比後使之至仁恭已死矣
又高祖身為留守且被禁繫亡去何
之恐此亦非太宗之謀也今皆不取

河東討捕使也

大業十一年淵為使討捕河東使疏吏翻

請大理司直夏侯

端為副端詳之孫也

梁武帝起兵荆雍夏侯詳佐命夏戶雅翻

善占候及相

人相息謂淵曰今玉牀搖動帝座不安

晉天文志北極五星第二星主

帝座太乙之座謂最赤明者紫宮門內六星曰天牀主
寢舍解息燕休又大角一星在攝提間大角者天王帝
座也天官書云大角北三星為帝座主宴飲酬酢也參墟得歲必有真人起於其

分左傳參為晉星故以晉陽為參墟得歲謂歲星居參也參所今翻分扶問翻非公而誰乎

主上猜忌尤忌諸李金才既死公不思變通必為之次

矣淵心然之及留守晉陽薦揚府司馬太原許世緒帝煬

制薦揚府有司馬及兵倉兩司說淵曰公姓在圖籙名應歌謠握五郡

之兵五郡謂太原鴈門馬邑樓煩西河說式芮翻當四戰之地舉事則帝業

可成端居則亡不旋踵唯公圖之行軍司鎧文水武士

獲

按士雅傳蓋為行軍府司鎧參軍隋志文水縣屬太原郡舊曰受陽開皇十年改名宋白曰文水縣漢大

陵縣後魏省大陵於今處置受陽縣隋改曰文水獲一就翻

前太子左勳衛唐憲

開皇

之制東宮左右衛率府亦有親勳翊三衛煬帝改親衛為功曹

憲弟儉皆勳衛唐憲

說淵曰明公北招戎狄南收豪傑以取天下此湯武之

舉也淵曰湯武非所敢擬在私則圖存在公則拯亂鄉

姑自重吾將思之憲邕之孫也

唐邕以彊幹事高齊

時建成元吉

尚在河東

淵留建成護家居河東

故淵遷延未發劉文靜謂裴寂

曰先發制人後發制於人何不早勸唐公舉兵而推遷

不已

推遷言推故遷延也推吐雷翻

且公為宮監而以宮人侍客公死

可爾何誤唐公也寂甚懼屢趣淵起兵

趣讀曰促

淵乃使文

靜詐為救書發太原西河鴈門馬邑民年二十已上五

十已下悉為兵期歲暮集涿郡擊高麗

麗力知翻

由是人情

恟恟思亂者益衆

恟許拱翻

及劉武周據汾陽宮世民言於

淵曰大人為留守而盜賊竊據離宮不早建大計禍今

至矣淵乃集將佐謂之曰

將即亮翻下同

武周據汾陽宮吾輩

不能制罪當族滅若之何王威等皆懼再拜請計淵曰

朝廷用兵動止皆稟節度今賊在數百里內江都在三千里外加以道路險要復有他賊據之

又復扶翻

以嬰城膠

柱之兵當巨猾豕突之勢必不全矣進退維谷何為而可威等皆曰公地兼親賢同國休戚若俟奏報豈及事機要在平賊專之可也淵陽若不得已而從之者曰然

則先當集兵乃命世民與劉文靜長孫順德劉弘基等各募兵遠近赴集旬日間近萬人仍密遣使召建成元吉於河東柴紹於長安

近其靳翻使疏吏翻

王威高君雅見兵大

集疑淵有異志謂武士驍曰順德弘基皆背征三寺所

犯當死

二人避役亡命故曰背征背蒲妹翻

安得將兵欲收按之士驍曰

二人皆唐公客若爾必大致紛紜威等乃止留守司兵

田德平欲勸威等按募人之狀

隋制留守置司功倉戶兵法士曹等書佐守式

又士驍曰討捕之兵悉隸唐公威君雅但寄坐耳

言但寄身

於留守坐間也坐徂卧翻

彼何能為德平亦止晉陽鄉長劉世龍開

初置保長黨長鄉長亦此類也長知兩翻

密告淵云威君雅欲因晉祠祈雨

為不利

晉陽有晉王祠

五月癸亥夜淵使世民伏兵於晉陽宮

城之外甲子旦淵與威君雅共坐視事使劉文靜引開

陽府司馬胙城劉政會入立庭中

新唐志太原有府十八開陽其一也隋志

胙城縣屬東郡舊曰東燕開皇十八年改名

稱有密狀

言有狀告密

淵司威等取

狀視之政會不與曰所告乃副留守事唯唐公得視之

淵陽驚曰豈有是邪視其狀乃云威君雅潛引突厥入

寇

邪音耶厥九勿翻

君雅攘袂大詬曰

詬若候翻罵也

此乃反者欲殺

我耳時世民已布兵塞衢路

塞悉則翻

文靜因與劉弘基長

孫順德等共執威君雅繫獄丙寅突厥數萬衆寇晉陽

輕騎入外郭北門出其東門

騎奇寄翻下同

淵命裴寂等勒兵

為備而悉開諸城門突厥不能測莫敢進衆以為威君

雅實名之也淵於是斬威君雅以徇淵部將王康達將

千餘人出戰皆死城中恐懼

將即亮翻下舉將同恟許拱翻

淵夜遣軍

潛出城旦則張旗鳴鼓自他道來如援軍者突厥終疑

之留城外二日大掠而去煬帝命監門將軍涇陽龐

玉

隋志左右監門府各將軍一人掌宮殿門禁及守衛事涇陽縣屬京兆郡監工衛翻

虎賁郎將

霍世舉將關內兵援東都柴孝和說李密曰

賁音奔將即亮翻說

式茂翻

秦地山川之固秦漢所憑以成王業者也今不若

使翟司徒守洛口裴柱國守回洛

翟司徒讓也裴柱國仁基翟萇伯翻

明

公自簡精銳西襲長安既克京邑業固兵彊然後東向

以平河洛傳檄而天下定矣方今隋失其鹿豪傑競逐

不早為之必有先我者

先悉薦翻

悔無及矣密曰此誠上策

吾亦思之久矣但昏主尚存從兵猶衆

從才用翻

我所部皆

山東人見洛陽未下誰肯從我西入諸將出於羣盜留

之各競雌雄如此則大業隳矣孝和曰然則大軍既未

可西上僕請問行觀豐

將即亮翻上時

密許之孝和與

數十騎至陝縣

隋志陝縣屬河南郡騎奇寄翻陝失冉翻

山賊歸之者萬餘

人時密兵鋒甚銳每入苑與隋兵連戰

苑即大業初所築西苑會

密為流矢所中尚卧營中丁丑越王侗使段達與龐玉

等夜出兵陳於回洛倉西北

陣讀曰陣

密與裴仁基出戰達

等大破之殺傷太半密乃弃回洛奔洛口

考異曰洛記云四月戊

中段達等帥關內兵陳於倉西倉南密出兵拒戰大破
兇醜密還固倉五月丁丑達等又出兵陳於倉西倉北
密又來拒大破之密奔洛口按隋書北史新舊唐書皆
云密為流矢所中卧營中東都出兵擊之密衆大潰弃

回洛倉奔洛口俱無月日河洛記密軍失利歸於鞏縣東都復得回洛倉蒲山公傳曰五月二十八日越王夜出師使段達等大戰於倉西北密軍敗績歸於鞏縣亦不云密連月再敗也戊申四月二十八日丁丑五月二十八日蓋趙毅承蒲山公傳誤以密一敗分為二事也 龐玉霍世舉軍於偃師 龐

江翻杜佑曰偃師帝營所都古西亳也湯亦都之武王伐紂迴師息戎遂名偃師縣屬河南郡 柴孝和

之衆聞密退各散去孝和輕騎歸密楊德方鄭德韜皆

死 考異曰楊德方壺關錄 密以鄭頊為左司馬 頊它作王德仁今從河洛記


滎陽鄭乾象為右司馬

考異曰隋唐書皆作虔象唯壺關錄作乾象云密殺其兄乾

虔乾虔之子會通後從盛彥師殺密今從之

李建成李元吉弃其弟智雲

於河東而去吏執智雲送長安殺之建成元吉遇柴紹
於道與之偕行



資治通鑑卷一百八十三